

## Minister Geoffrey Wever: “Consecuencianan lo ta demasiado devastador financieramente si no acepta e Rijkswet”



Pagina 3

- **Segun CariCOF**  
temporada di calor e  
año aki no lo surpasa  
e intensidad di ultimo  
dos año

Pagina 6

- **Estadonan ta**  
demanda gobierno  
di Trump pa recorta  
biyones den fondo pa  
salud

Pagina 7

- **Polis ta identifica**  
curpa di estudiante  
Chines cu a ser  
haya den riu di  
Amsterdam


Pagina 8

Gabinete AVP-FUTURO ta anuncia  
inicio di trabounan di restauracion  
di ex edificio di Reina Beatrix  
School




Pagina 2

Gobierno  
di Brazil ta  
admiti na  
spionahe riba  
Paraguay  
durante  
Bolsonaro su  
presidencia



Pagina 10

Trump ta  
 nombra  
2 di april  
como ‘Dia di  
Liberacion’  
pa su  
tarifanan



Pagina 23



# Gabinete AVP-FUTURO ta anuncia inicio di trabounan di restauracion di ex edificio di Reina Beatrix School

Dialuna mainta prome minister Mike Eman, hunto cu minister di Enseñansa Gerlien Croes y minister di Finanzas, Geoffrey Wever, y DOW, Stichting Monumentenfonds Aruba y Monumentenbureau Aruba, a anuncia cu lo inicia e proceso pa restaura e monumento ex Reina Beatrix School.

Prome minister Eman a splica, pa loko ta e tema di restauracion di ambos edificio, cu ta importante pa haya experticio di DOW, Monumentenfonds Aruba y Monumentenbureau pa duna algun idea pa local ta trata cual direccion nan por bay.

El a sigui splica cu tin diferente modelo cu a ser usa den pasado pa local ta restauracion di monumento. Un di e modelonan ta caminda gobierno ta keda doño di edificio, manera cu a haci cu por ehempel Dominicus College y La Salle College, edificionan di scol cu gobierno mes a tuma e iniciativa y financiamiento riba su mes pa por a restaura nan.

Otro modelo ta caminda cu gobierno ta transferi e propiedad pa Stichting Monumentenfonds Aruba y e fundacion ta haci e restauracion den cooperacion cu DOW y Monumentenbureau, pero cu e compromiso cu gobierno ta huur e edificio back for di nan pa asina ora cu nan traha nan pronosticonan financiero ta tene cuenta cu tin un huurdo pa facilita e financiamiento pa nan.

E mandatario a duna como ehempel tambe modelonan cu nan a haci cu AIB Real Estate, manera GFK cu a ser restaura bou di e condicion



cu gobierno a transferi e proyecto na AIB Real Estate, nan a compensa gobierno pa esey y awor gobierno ta huur e pa Directie Onderwijs.

“Tin diferente modelo. Awe loko nos ta haciendo ta inventarisa cual modelo gobierno ta bay scoge p’e... Un cos ta hecho, restaura nos ta bay restaura Beatrix School y Juliana School. Si nan ta bira e scol back, of tin diferente instancia di gobierno tin hopi interes tambe,” el a indica.

Directora di Stichting Monumentenfonds Aruba a expresa cu nan ta hopi contento y ta un honor cu monumentonan y herencia cultural a haya asina hopi atencion riba e di dos

dia di gobernacion.

“Nos ta full cla pa cuminsa wak kico ta posibel, kico ta e beneficienan, e parti negativo, si nos por crea un balansa, un sistema, un modelo unda nos por haya un balansa cu por zorg cu e edificio ta ser restaura y no solamente restaura pero cu por ser manteni despues tambe y pa haya un funcion cu ta pas cu e edificio aki,” el a splica.

Pa loko ta con lihe e proceso aki por cana, el a indica cu e ta depende di varios factor, entre otro, cooperacion cu e doño, den e caso aki Land Aruba, si por haya financiamiento local cu banco local of pensioenfondos of cu fondonan di Hulanda cu ta tuma

tempo. Despues ta sigui e parti di haci diseño pa e funcion nobo, destaho y ehecuacion.

El a remarca cu tur esaki ta tuma su tempo, y for di experiencia cu varios proyecto, el a indica cu e prome fasenan ta esun mas impredecible y no por echt pone un timeline riba dje. El a agrega cu despues cu nan tuma tur e decisionnan, y sa ki funcion e edificio ta bay tin y con ta bay financia esaki, e ora por duna un planning hopi detaya.

Di su banda minister di Enseñansa, Gerlien Croes, a splica cu esaki ta e inicio di e ehecuacion di plannan cu nan tin como gabinete. El a remarca cu necesidadnan pa edificionan por lo general, no solamente pa diferente organizacion den comunidad, pero tambe ora ta papia di e sector educacional mes ta un necesidad hopi grandi. A base di esaki, el a señala, lo explora cu e proyecto cu lo ser ehecuta pa por identifica unda por sirbi tambe na e grupo cu tin e necesidad aki, vooral si ta yega na e studiantenan na Aruba.

Referiendo na e Juliana School, el a menciona cu pa aña e scol ta huur un espacio y ta un ehempel caminda ta cuestiona con ta laga e scol pa asina hopi aña den un situa-

cion di e manera cu nan ta. E mandatario a remarca cu tin algun aspecto huridico cu mester atende cune ya cu tin cierto decisionnan cu a ser tuma den gabinetenan anterior cu ainda tin casonan cu ta ser encamina huridicamente.

Pa loko ta e edificio nobo cu gabinete anterior a anuncia cu lo ser construi pa Juliana School, minister Croes a splica cu te na unda e ta informa na e momento aki den e overdacht dossier, e proyecto ey a ser para. El a agrega cu di documentonan ricibi a haya indicacion si cu e proyecto a ser pidi como capital investing pero a ser nenga of para na e momento aki.

“Mester wak kico ta e motibo pero a base di esey ta bay sigui explora. Ta importante pa reconoce e hecho tambe cu e edificio aki (referiendo na ex Reina Beatrix School) especificamente reconoci como monumento mester bay dun’e su balor na e monumento cu e ta y si eventualmente por reconoce e edificio na banda (referiendo na ex Juliana School), mesun cos,” el a enfatisa.

Prome minister Eman a agrega cu durante proceso di formacion ambos a scucha di hopi necesidad pa espacio. “Diferente departamento di gobierno, pero tambe di diferente fundacion. Uso ta bay tin na cantidad, ta un escogencia mester ser haci. Naturalmente e ta bunita si e tabata un scol cu e ta bira back un scol, pero esey ta un decision cu mester tuma a base di tur loko tin riba mesa,” el a subraya.

Di parti DOW a indica cu nan ta yuda mas leu cu nan por y den e caso aki door cu ta trata un monumento, e ta bay prome pa Monumentenbureau y si tin otro caminda cu nan por asisti den dje, nan ta haci esaki. Adicionalmente nan ta duna nan aporte pa loko ta e parti di preparacion y den e parti di destaho si tin mester.

Contestando pregunta kico ta loko a keur af e edificionan añanan atras, DOW a splica cu recordando e tempo ey tabatin un tempo cu varios biaha tabatin problema di asbestos. Esey ta e parti principal pakico a saca e scolnan pa un otro lugar alternativo.





*Minister Geoffrey Wever:*

## “Consecuencianan lo ta demasiado devastador financieramente si no acepta e Rijkswet”

**Manera ta conoci diabierna ultimo Parlamento di Aruba a aproba presupuesto nacional 2025 di forma unanime. Ministernan di e gabinete nobo, Gabinete AVP-FUTURO, cu recién a huramenta e mesun diabierna mainta, a contesta preguntanan di parlamentarionan tocante e presupuesto, enfocando riba e nota di cambio cu nan a entrega.**

Minister di Finanzas, Economía y Sector Primario, Geoffrey Wever, a ricibi pregunta kico ta e posicion di partido AVP y FUTURO riba e Rijkswet. Contestando pa partido Futuro, e mandatario a splica cu nan ta di acuerdo pa bin cu un Rijkswet riba supervision financiero y ta parti di locual e partido a trece dilanti den campaña.

El a indica cu nan ta na altura di e deadline di 1 di mei 2025 y kico e consecuencianan ta si pais Aruba no bay di acuerdo cu e Rijkswet. Na mesun momento el a remarca cu na e momento aki e consecuencianan lo ta demasiado devastador financieramente si no acepta e Rijkswet prome cu 1 di mei 2025.

“Ta necesario pa crea espacio pa por duna back y e intencion di e setup di Rijkswet y tambe CAft ta cu a lo largo nan ta ‘phase out’ y esey ta algo cu mi ta kere nos mester tene nos dilanti, cu esaki ta algo temporario, pa nos por yega na reduccion substancial di e interes riba nos debe nacional. Na e momento aki ta e prestamo di covid y tambe e posibilidad pa refinancia e parti cu ta financiar riba mercado internacional na Merca, pero ainda tambe



tin e parti domestico, tin e obligacionnan di PPP y tur esaki ta oportunidadnan cu den un Rijkswet por busca financiamiento pa reduci ainda mas nos gasto di interes,” el a splica.

Contestando pregunta tocante e aumento di prijs di gas, con lo mitiga esaki y kico ta e timeline, e mandatario a indica cu manera ya el a splica na algun ocasion tambe den e constelacion anterior den Consejo di Minister, pa por haci esaki a pidi consehonan, consehonan ta ser duna y ta rekeri un elaboracion mas amplio.

El a indica cu e ta den preparacion y kisas den e prome presupuesto complementario por bin cu un elaboracion mas detaya di esey. El a menciona cu tambe mester corda cu entrante 1 di mei a percura pa un reduccion di accijns cu 10 cen cu ta lo tin un impacto inflatorio positivo mas grandi pa e consumidor cu locual tabata e aumento di gas.

Minister di Husticia, Integracion y Transporte Publico, Arthur Dowers, a ricibi algun pregunta por escrito di parlamentario y lider di fraccion PPA Otmar Oduber, cual el

a indica e lo contesta detayadamente por escrito durante siman, pero a duna un contesta chikito toch durante e reunion publico.

Pa loke ta trata nombramento di un comandante nobo pa Brandweer Aruba, minister Dowers a splica cu proceso ey ainda no a cuminsa ya cu tin un caso den apelacion ainda di e comandante actual. “No ta asina cu gobierno tin e libertad completo pa nombra hende eynan na e momentonan aki,” el a indica.

E parlamentario a puntra tambe si e mandatario por confirma si normanan ta ser cumpli door di Brandweer, na cual el a contesta cu esey no ta e caso na e momento aki. El a splica cu ta haciendo esfuersonan grandi na e momentonan aki pa yega na e materialnan cu mester yega na dje pa por cumpli, sin embargo na e momento aki nan no ta cumpli completamente cu e standardnan.

El a agrega cu pa loke ta trata e training di personal, e estado di e edificio y facilidadnan di Brandweer no ta completamente optimal na e momento aki pa garantisa cu ta cumpli cu e norma cu mester cumpli cune.

Contestando e pregunta si tabatin palabracion of negociacion cu aeropuerto pa pasa e facilidad aki pa aeropuerto, e mandatario a indica cu den pasado tempo su mes tabata minister e combersacionnan aki a tuma luga, sin embargo no a sigui cu esakinan y na e momentonan aki tampoco tin combersacion andando pa pasa Brandweer pa aeropuerto, pero ta combersacionnan cu e ta haya interesante pa hiba.

“Lo ta interesante pa bay hiba



combersacion den futuro pa mira con bini cu un sosten mas grandi pasobra tin hopi medio ta bini di e departamento aki, un departamento di gobierno. Pero mi ta kere ta importante pa percura cu e servicio di Brandweer na aeropuerto ta optimal pasobra e ta garantisa e nivel di e aeropuerto y e entrada principal di pais,” minister Dowers a bisa.

Minister di Turismo, Labor y Transporte, Wendrick Cicilia a ricibi un pregunta di parti di parlamentario Evelyn Wever-Croes ken a puntra kico ta e mandatario su opinion riba e ley di aumento di minimu-muurloon.

Minister Cicilia a splica cu riba su mes ta un ley cu ya caba ta na Parlamento di Aruba. El a sigui splica cu ya tabatin diferente deliberacion pa cu esaki y como minister di Labor ta importante, prome cu e por duna un opinion riba esaki, pa e ta bon informa.

“Den cuadro di nos funcion, bay den dialogo y consulta cu esnan involvi, e sector economico, comercial, esnan cu ta representa diferente bienestar cu ta tras di e ley aki, pa nos por hiba comb-

ersacionnan pa nos por tuma diferente perspectiva y pensamiento y punto di bista pa nos por evalua esaki y tuma un decision responsabel,” el a remarca.

Minister di Asunto Social, Salubridad Publico, Cuido di Adulto Mayor y Cuido pa Adiccion Mervin Wyatt Ras tambe a contesta un remarke haci pa parlamentario di fraccion Futuro, Gino Goeloe, cu a indica cu ta importante pa aloca e surplus cu tin den AZV na programanan preventivo.

E mandatario a enfatisa cu esaki ta bay ta un di e enfokenan y ta para den e programa di gobernacion. El a splica cu lo bay dedica atencion na esey, sin embargo aworaki e gabinete a cuminsa y ora tin un gobierno mester scucha e diferente instancia, fundacion, organizacion y stakeholders pa asina por forma kico ta bay haci pa cuminsa y asina concretisa e plannan.

“Nos a constata cu tin diferente problematica den nos comunidad y aworaki nos kier duna nos comunidad e oportunidad di hisa nan calidad di bida,” el a indica.





## Entrada di impuesto stabiel

# CBA: Gobierno a colecta 164 miyon florin na januari

**Recientemente, Banco Central di Aruba a publica su Monthly Tables pa luna di januari 2025. Den esaki, a dedica espacio na entrada di gobierno y e posicion di gobierno den sistema monetario.**

### Entrada di impuesto stabiel

Na januari, gobierno di Aruba a colecta Afl. 164.4 miyon den entrada total, marcando un aumento leve for di Afl. 158.8 miyon na december. Mientras cu e cifra aki ta menos cu e Afl. 169.0 miyon na november ultimo, e prestacion di comienso di aña ta muestra un grado di resiliencia, sosteni pa un fundeshi solido den colecta di impuesto.

Mayor parti di e entrada di gobierno a bin for di impuesto, pa un total di Afl. 161.1 miyon, un aumento for di Afl. 149.3 miyon e luna prome. Esaki ta conta pa casi 98 porciento di e entrada total di januari, subrayando e dependencia fuerte di gobierno riba fluho basa riba impuesto.

Impuesto riba entrada y ganashi a trece Afl. 44.2 miyon den caha di gobierno, menos cu e Afl. 49.8 miyon na december, probablemente pa un reduccion skerpi den colecta di impuesto di ganashi – di Afl. 22.3 miyon na apenas 1.7 miyon. E swing significativo aki por refleha patronchinan di temporada pa corporate tax, manera declaracionnan di fin di aña of declaracionnan atrasa.

Impuesto riba salario a muestra crecimiento robusto, aumentando na Afl. 29.5 miyon compara cu Afl. 24.4 miyon na december. Esaki por señal forsa continuo den empleo formal, of aumento di salario. Colecta di impuesto riba entrada a mas cu cuadruplica na Afl. 12.9 miyon, subiendo for di Afl. 3.1 miyon, sugeriendo un aumento den declaracion personal of evaluacion.

E impuesto di solidaridad, cu tabata inactivo pa varios aña, atrobe no a registra entrada.

Entrada for di impuesto riba commodities a keda stabiel na Afl. 35.1 miyon, virtualmente sin cambio for di december. Dentro di e categoria aki, accijns riba gasolin a keda firme na Afl. 6.8 miyon. Ac-

cijns riba licor y cerbes tabata na Afl. 3.7 miyon y Afl. 3.2 miyon respectivamente.

Impuesto riba importacion a keda un contribuidor significativo na Afl. 20.5 miyon, un tiki menos cu e Afl. 21.1 miyon na december, pero toch indicativo di actividad saludable di importacion.

Impuesto relaciona cu propiedad a mira un aumento notable na Afl. 20.2 miyon, riba e Afl. 14.5 miyon e luna prome. Un sobresaliente Afl. 14.3 miyon a bin di impuesto di vehiculo di motor, mas cu duplicando e total di december, reflehando e hecho cu januari ta e periodo peak pa registracion y renobacion di esaki.

Entrada pa impuesto riba tereno a baha na Afl. 2.5 miyon for di Afl. 5.3 miyon, y impuesto riba transferencia a subi na Afl. 3.5 miyon.

E entrada menor pa impuesto di sucesion a keda na cero, consistente cu lunanan anterior.

Den e categoria di impuesto pa servicio, colecta a aumenta na Afl. 13.3 miyon, for di Afl. 10.1 miyon. Room tax di hotel a genera 9 miyon florin, un ganashi notable riba e 6.4 miyon florin na december, probablemente mara na mas yegada di turista durante High Season. Entrada di licencia pa wega di placa y stampia a keda stabiel.

Di nan banda, BBO y BAVP a trece 40.4 miyon florin den caha di gobierno, un aumento riba Afl. 34.0 miyon, reflehando momentum continuo den actividad economico domestico. Mientras tanto, impuesto riba divisa a alcanza Afl. 7.9 miyon, su nivel mas halto pa luna den mas cu un aña, sosteni pa transaccionnan stabiel den moneda stranhero.

### Datonan di otro entrada exclui

Mientras entrada di impuesto a keda fuerte, entrada cu no ta di impuesto a cay na apenas 3.3 miyon florin, un caida for di Afl. 9.5 miyon na december y 15.0 miyon na november. E reduccion dramatico aki ta splica en gran parti pa e nota cu entrada riba no-impuesto for di Departamento di Finanzas tabata exclui for di e datonan di januari 2025.

Mester considera e exclusion aki na momento di interpreta comparacionnan di luna pa luna.

Compara cu januari 2024, tempo cu entrada total tabata Afl. 165.7 miyon, e cifranan actual ta casi flat. Sinembargo, e composicion a cambia: entrada di impuesto a aumenta levemente di Afl. 145.3 miyon un aña pasa na Afl. 161.1 miyon, mientras entrada di no-impuesto, cu tabata Afl. 20.4 miyon, no a keda registra.

### Posicion di gobierno den sistema monetario

Gobierno di Aruba a cuminsa 2025 cu un dependencia financiero mas profundo riba sistema monetario domestico. Segun datonan di Banco Central di Aruba (CBA), e posicion neto di deudor di gobierno (Nettoverplichtingenpositie) a aumenta cu Afl. 75.2 miyon na januari 2025, despues di un reduccion significativa di Afl. 163.8 miyon na december 2024.

E reversion aki ta indica un regreso na presta for di sector monetario, of un reduccion di depositonan di gobierno, despues di un posicion fuerte di likides fin di aña.

Cuminsamento di aña, e posicion bruto di likides di gobierno – e total di su depositonan den Banco Central y banconan comercial – tabata Afl. 498.2 miyon, un aumento chikito for di Afl. 497.9 miyon na december. Sinembargo, e composicion di e depositonan aki a cambia significativamente”

• Depositonan cu Banco Central a aumenta di Afl. 289.4 miyon na Afl. 364.9 miyon, principalmente

den forma di “time deposit”

• Conversamente, deposito cu banco comercial a mira un caida skerpi, di Afl. 208.6 miyon pa Afl. 133.4 miyon, sugeriendo realocacion di likides for di sector bancario priva na e autoridad monetario.

E cambio aki por refleha esfuersonan pa maneha likides di manera mas conservador na comienso di aa fiscal, posiblemente den anticipacion di gasto proximo of cambio den fluho di entrada.

Depositonan asigna di gobierno – cu tipicamente ta vincula na fondonan financiamiento externo of di uso condicional – a keda casi sin cambio, aumentando levemente di Afl. 42.9 miyon pa Afl.43.3 miyon.

Mientras tanto, e saldo di fondo di desaroyo, cu tabata cero durante 2024, a keda na cero florin, confirmando cu no a registra ningun tranche of utilizacion nobo durante e periodo reporta.

E posicion neto deudor cu sistema monetario a aumenta di Afl. 192.7 miyon na december pa Afl. 267.9 miyon na januari, loke ta representa



un aumento mensual di Afl. 75.2 miyon. Ta trata di e aumento mas grandi registra den un solo luna, desde mei 2024, tempo cu e posicion neto a subi na Afl. 179.9 miyon.

Esaki por refleha un aumento den necesidadnan di financiamiento a corto plaso, atraso den colecta di ingreso fiscal, of compromisonan di gasto adelanta na comienso di aña fiscal.

A diferencia di e entrada positivo di fondo na december, cu a permiti un reduccion significativa di e pasivonan di gobierno, januari ta marca un regreso na uso di recursonan financiero domestico, un señal trempan di posible presion di financiamiento den futuro.

### Comparacion interanual

Den comparacion cu januari 2024, tempo cu e posicion neto tabata Afl. 173.4 miyon, e cifra actual di Afl. 267.9 miyon ta refleha un deterioro di casi Afl. 94.5 miyon den termino interanual. Esaki ta sobresali e desafionan persistente den gestion di likides y e control di gasto den un entorno fiscal despues di e pandemia.



**Editor**

Caribbean Speed Printers N.V.  
Aruba Bank N.V. Acc. #332668  
Caribbean Mercantile Bank N.V.  
Acc. #23951903  
RBC Royal Bank Acc. #13307728

**Operations Manager**

Mariette Engelhart

**Redaccion**

noticia@bondia.com

Pilar Flores (hefe di redaccion)

Angenette Figuereo (closer editor)

Leo Maduro

Raisa Montilla

Oriana Geerman

**Ehecutivo di Benta**

Sulaika Croes

sulaika.croes@cspnv.com

Mark Gomes

mark.gomes@cspnv.com

**Aviso y Arte**

Sandra Loefstop

Lisa Tromp

**Departamento Digital**

Juan Luis Pinto

**Administracion**

accounting@bondia.com

Martha Arteta de Ariza

**Distribucion**

Jenny Kelly

**Coleccion**

Evelinda de Cuba - Tromp

**Pre Press**

Luis Fernando Arenas (Hefe)

Pablo Libre

**Press**

Roland Schenker (Hefe)

Omar Ramirez

Martin Boekhoudt

Francis Dirksz

**Colaboracion**

Associated Press

Ret Karibense

Data Key

**Afiliacion**

Sociedad Interamerica  
di Prensa (SIP)

**DIRECCION**

Adres: Weststraat #22

Tel: 582-7800

Email: noticia@bondia.com

aviso@bondia.com

info@bondia.com

Website: www.bondia.com

Facebook: @bondianoticia

Instagram: bondiaaruba

**BON DIA ARUBA** ta un corant  
redacta y imprimi na Aruba y ta  
obenibel di dialuna te cu diasabra.  
Ningun contenido por wordo reproduci  
sin permiso di editor.



# Editorial

## Maneho di energia ta... Exigi siña di pasado...

**Si tin un area unda e gabinete nobo a hereda un situacion bastante desanimante ta riba tereno di energia. Un aspecto cu sigur ta resalta ta e situacion di produccion di energia renovable, cu awe na 2025 no ta brinda mucho mas cu e situacion na 2008 despues di e entrada den operacion di e parque d molina na Vader Piet. Segun e plan di gobernacion pa 2025 – 2029 nos ta na un nivel di contribucion di energia renovable di 14 – 15% di e total cu WEB Aruba NV y Elmar NV ta distribui. Por ta cu e calculo aki ta un par di porciento mas abao cu e realidad, pero esey no ta cambia e panorama general. En todo caso no mas halto cu e situacion na 2008... Tempo pa un memoria refresca, pa no cay den e mesun trampa atrobe?**

Kico realmente a sucede den e decada y mey cu a transcuri desde e fecha di inicio menciona y awe? Nos por constata cu no a falta iniciativa di e gabinetenan cu a goberna den e periodo aki pa hiba nos prestacion riba tereno energetico na un mihor nivel. Por lo tanto no a falta tampoco e metanan proponi cu tabata briya pa un aspecto particular: falta di realismo den posibilidad di ehecucion. Esaki tabata visible den e intencionan pa trece alternativa pa e uso di heavy fuel oil (HFO), cu e resultado cu tur a fracasa. Tabata trata di proyecto di trece gas natural liquido (LNG) pa gabinete Eman I y II, proyecto di gas for di desperdicio procesa, proyecto no. 2 pa trece LNG bao di e dos ultimo gabinetenan, proyecto di produccion di hidrogeno, cual a keda pega den e fase di exploracion.

Den trasfondo di e maneho fracasa aki, e intencionan di reapertura di e refineria tabata hunga un papel importante. Durante gran parti di gobernacion di e cuatro gabinetenan aki tabata reina un optimismo desmedi cu lo logra e reapertura ey, loke no tabata cuadra cu realidad di e sector ey, altamente organiza na nivel mundial. E optimismo aki tambe a conduci na e speranza cu e introduccion di LNG lo a haya un base suficientemente amplio pa por ta rentable, cu e refineria como cliente mayor. Sin esey, y WEB como unico cliente grandi pa LNG, e perspectiva pa un distribucion rentable a desaparece. Loke teoricamente lo tabata un alternativa, e distribucion di LNG den cantidad chikito, den un ISO-container, di tamaño di un container standard di 20 pia, ta resulta demasiado chikito pa e uso di combustible cu WEB tin. For di e plan di gobernacion nobo nos por comprende cu lo bay revisa e contrato cu Eagle LNG, pa mira kico pa haci cune. Nos no tin e impresion cu esey lo cambia e panorama di futuro tanto, hustamente pa via di e base hopi limita sin re-

fineria, y lo mester bay contempla otro opcion, sin llanto, sin lamento.

Pa loke ta e avance den otro produccion di energia limpi, energia solar por ehemplo, por constata cu ningun proyecto mayor di energia solar, di varios MW cada un, ta funcionando y/o suministrando energia na WEB/Elmar actualmente. Loke website di WEB mes ta mustra ta algun proyecto mediano di menos di 100 kW. E panelnan solar en total ayera casi tabata yega na duna 3 MW durante e oranan efectivo.

Ta parece nos anto un bon scogencia di e gabinete nobo pa opta pa pone mas enfasis riba generacion di energia solar na empresa y vivienda, envez di lanza otro iniciativa hopi grandi cu ta depende di inversion di exterior. Ademas gobierno tin planea pa usa edificio escolar pa instala panel solar pa haci e uso di energia di e scolnan mes mas sostenible. Mester por contempla tambee otro edificionan di gobierno cu por probecha di un suministro (parcial) di nan propio consumo di electricidad.

Tur esaki ta factible solamente cu un cambio drastico den e manera con ta mira e produccion individual cu un aporte hopi mas grandidi e ciudadano mes. Te awor tabata contempla e aporte di e ciudadano individual como un categoria no asina relevante y e empresanan estatal tabata duna e impresion di prefera keda traha cu algun proveedor grandi y no mester bay mete cu miles di cliente individual den produccion. Por lo tanto henter e proceso di logra financiamiento, regla permiso pa finalmente por opera tabata por lo menos algun paso di mas pa un individuo cu un conocimiento averahe di e tecnologia aki. Si nos mira con por ehemplo na Europa, y ban tuma como Hulanda como ehemplo, por constata cu e diferencia grandi ta e forma di acerca e consumidor cu dado momento ta bira co-productor y ta ser trata tambe como tal, den un sistema totalmente digitaliza. Tur e parti positivo aki no ta kita cu un situacion na un isla manera Aruba ta trece su problemanan specifico. Por ehemplo, nos no ta conecta cu ningun red di distribucion di energia externo, un situacion 'stand alone' anto. Nos ta corda cu algun tempo pasa tabata referi na e caso di e isla Spaño Mallorca, cu un proyecto di hidrogeno integra den su sistema di produccion. Masha bunita, pero Mallorca ta conecta via cable cu tera firme y no ta depende solamente di produccion local; esy ta cambia e asunto completamente.

Finalmente, e situacion awe ta cu combustible fosil ta percura pa e mayor parti di nos energia electrico. Perspectiva ta cu nos por bay dal paso chikito pa cambia esey, cu un realismo paga boncaro caba...



## “Changemakers” a ranca sali cu ‘Welcome Session’ y hopi anticipacion pa simannan binidero

Despues di algun siman di preparacion intenso, e tan anticipa programa pa hoben, “Changemakers” a ranca sali. Cu un registracion oficial di 30 hoben, e ekipo tabatin nan prome sesion cu a consisti di un ‘Welcome Session’ den un ambiente special y strategico cu a tuma luga na Surfside Marina. Strategico, pasobra ‘Welcome Session’ tabatin como meta pa laga e hobennan conoce otro, un poco mas aleu cu un ‘simple handshake.’

“Changemakers” ta un programa di emprendemento social transformativo cu tin como meta pa empodera hobennan, pa nan crea un impacto duradero den nan bario. Bou guia di coachnan Amarelys Ridderstap, Xena Profeet y Sharleen Tromp, kendenan lo ta dirigiendo e grupo di hobennan den coaching, supervision, duna sesionnan di tayer como tambe sesionnan di “one on one,” entre otro.

E ‘Welcome Session’ a start den un atmosfera celebrativo unda hobennan a ser ricibi cu nan ‘goody-bags’ yena cu snack, regalo y nan T-shirt oficial di “Changemakers.”

“E prome sesion di ‘Bon Bini’ a keda facilita pa organizacion ‘Reach your Goal,’ cu tabatin como meta laga e



hobennan conoce otro por medio di varios actividad gozoso. Ta trata di un mescla di hobennan cu ta atende diferente scol, nos tin hobennan di Colegio EPI, Mon Plaisir College HAVO y di Colegio Arubano. ‘Reach your Goal’ a presenta un “Fun Activity” cu a tuma luga dilanti di Surfside Marina riba e area di beach. Aki hobennan mester a traha den ekipo, y asina tambe por a identifica e personalidad di cada hoben,” fundador y coach Sharleen Tromp a splica.

“E hobennan mester a practica comunicacion, scucha otro, sostiene otro, inspira, motiva y confia otro, como tambe percura pa no laga otro atras. Na mesun momento experiencia un tiki competencia tambe. Tur esaki ta componentenan strategico cu a forma parti di e sesion pa asina nan logra relata cu otro di tal manera pa nan por ta exitoso,” Tromp a indica.

“E hobennan ta hopi contento pa inicio di e jornada aki y tin hopi anticipacion pa



e simannan binidero unda coachnan lo bay ta dirigiendo e grupo di hobennan den coaching, supervision y duna sesionnan di tayernan como tambe sesionnan di “one on one,” entre otro,” el a agrega.

E programa di coaching y ekipamento lo tin un termino di cuater luna cu lo culmina den un presentacion y plan di ehecucion di nan proyecto di cual nan lo haya oportunidad di ser financia. Sesionnan lo tuma luga tur diahuebs di 3pm pa 5pm den edificio di

ATIA na Dakota.


Proyecto “Changemakers” ta un iniciativa di Fundacion Lead by Design den colaboracion cu CEDE Aruba y Oranjestad. Fundacion Lead by Design a gradici nan partnernan pa nan colaboracion pa cu e programa. Colaboracionnan cu ta permiti un crecimiento transformativo den e hobennan, nan bario y cu por keda ofreci na nan, e futuro lidernan.

## Segun CariCOF temporada di calor e aña aki no lo surpasa e intensidad di ultimo dos aña

Segun e Caribbean Climate Outlook Forum (CariCOF) a informa, e temporada di calor e aña aki na e islanan di Caribe no lo ta mesun intenso compara cu esun di e ultimo dos añanan.

E portal internacional News Room a reporta cu e Caribbean Climate Outlook Forum (CariCOF) cu sede na Barbados, ta bisa cu un temporada di calor den Caribe probablemente lo cuminsa tuma luga desde luna di april y cu esaki lo aumenta gradualmente, pero asina mes probablemente e temporada di calor e aña aki no lo iguala esunnan di aña 2023 i 2024.

Den su ultimo Perspectiva- nan di Clima di Caribe pa e proximo periodo di april te



juni, cu a ser publica dialuna ultimo, a bisa cu esaki ta debi na e condicionnan neutral di fenomeno El Niño Southern Oscillation (ENSO) den e

pacifico, combina cu awanan inusualmente cayente rond di Caribe y awanan temporalmente mas friu den e parti noordoost di Atlantico Tropi-

cal oriental.

CariCOF ta pronostica tambe cu den luna di april, tasanen halto di evaporacion, periodonan frecuente di sequa cortico y acumulacion di cualkier sequa continuo ta aumenta e potencial di candela di mondi.

CariCOF ta bisa cu, cu excepcion di Aruba, Boneiro y CorsoU cu den mayoria ta seco, e intensidad di awasero y frecuencia di awasero mester subi yegando luna di mei na Bahamas, Guyana y Antia Grandi, of luna di juni na Belize y Antia Menor “resultando den un potencial halto pa sumamente halto pa inundacion, inundacion repentino (flash flooding) y impactonan asocia.

“Episodionan di intrusion di

stof di Sahara probablemente lo ta frecuente; mas frecuente esakinan ta, mas seco y calor, y mas eratico e ocasion di clima severo,” CariCOF a agrega.

Den su ultimo situacion di sequa, CariCOF a bisa cu sequa modera, of pio, di termino cortico a desaroya den e parti central y noord di Bahamas, e Islanan Cayman, partinan di St Croix, Sint Maarten y St Bart’s.

A bisa tambe cu sequa a largo plaso ta evolucionando den parti zuid di Belize, parti noord di Republica Dominicana, zuidwest di Jamaica, St Bart’s, St Vincent, zuidoost di Surinam y noordoost di Trinidad.



**LOTTO 5**

Cuminsando cu 4 florin, bo por gana e suma grandi aki

**Afl. 240.000,-**

Obtenibel na cualkier rebendado di Lotto.

sorteo ta awe nochi 7:45 pm

HUNGA AWO

lotto

## 12 pashent Hulandes a perde chance riba posible transplante di riñon debi na eror di software

(NLTimes)—Un eror durante un update di software na Eurotransplant a resulta den 12 pashent Hulandes cu a perde e oferta di un riñon dona. E organisacion Europeo ta regula e alocacion di organonan dona na pashentnan den ocho pais afilia. E eror a sucede entre juli y october 2024, segun minister di Salud Fleur Agema a reporta dialuna den un carta pa parlamento.

E eror a ser rectifica ora Eurotransplant a bira consciente di esaki. Un investigacion a prueba cu 56 posible pashent di siete pais no a haya oferta di riñon mientras cu nan mester a haya esaki debi na e eror. Tin 12 ciudadano Hulandes entre e grupo aki. Agema a bisa cu e incidente

ta un “berguensa grandi.”

E Nederlandse Transplantatie Stichting (NTS) a notifica Agema di e eror fin di januari. Agema a warda pa anuncia esaki publicamente te ora tur pashent ser notifica pa nan dokter. E ta pensa cu esaki ta un “decepcion enorme pa e pashentnan.”

Un oferta por a resulta den un transplante di riñon, pero esey no ta automaticamente e caso. Segun e minister, esaki ta relaciona na un grupo di pashent cu tin hopi anticurpa, cual ta nifica cu e chance di un riñon dona ta chikito. Dos di e pashentnan Hulanda ya a haya un transplante di riñon.

E NTS a reporta e incidente na e Inspectie Gezondheidszorg en Jeugd (ICJ).



Despues nan a conclui cu e coreccionnan cu Eurotransplant a implementa no ta suficiente. NTS lo actualisa e inspeccionado pa asina preveni e tipo di incidentenan aki den futuro.

Mariette Kraayvanger, ken ta parti di donacion y transplantenan pa e NTS, a bisa cu e

situacion ta “hopi amargo.” El a agrega cu dos di e 12 hende por a haya un riñon nobo. Segun Kraayvanger, pashentnan di riñon mester warda un promedio di dos y mita aña pa un organo nobo. “Pero esaki tambe ta involvi un grupo di pashent cu hopi anticurpa. Nan ta warda mucho mas largo. Ta hopi dificil pa haya un

organo adecua pa nan.”

Ainda no por calcula e consecucionan di esaki, pero Kraayvanger ta cuestiona “ki ora un riñon lo por ta disponible pa e pashentnan aki. Esey por tuma hopi tempo, e cuestion ta si e lo yega na tempo.”

Pashentnan mester haya dialisis varios biaha pa siman sin un riñon dona. “Esaki no ta mehora bo condicion. E ta sobrevivendo en bes di biba. Y mas largo bo warda, mas malo bo condicion ta bira. Bo tin mas posibilidad di biba un bida real cu un riñon dona,” Kraayvanger a bisa.

Ademas di Hulanda, Belgica, Alemania, Hungria, Croacia, Luxemburg, Austria y Slovenia ta parti di Eurotransplant.

## Estadonan ta demanda gobierno di Trump pa recorta biyones den fondo pa salud

(AP)—Un coalicion di estadonan a hiba e administracion di Trump corte ayera pa su decision di recorta 11 bion dollar di fondo federal destina pa iniciativanan di COVID-19 y varios proyecto di salud publico den henter e pais.

Procuradornan general y otro oficialnan for di 23 estado a presenta un demanda na un corte federal na Rhode Island. Esakinan ta inclui Letitia James, Procurador General di New York, Phil Weiser di Colorado, como tambe gobernador di Kentucky Andy Beshear, gobernador di Pennsylvania Josh Shapiro y gobierno di e Distrito di Columbia.

E demanda ta argumenta cu e recortamento ta ilegal, y cu gobierno federal no a duna “ningun motibo racional” of hecho pa hustifica e decision. Procuradornan general ta bisa cu esaki lo tin como consecuencia un “daño serio



na salud publico” y lo pone e estadonan “den gran riesgo pa pandemianan den futuro y propagacion di malesanan cu por ser preveni, y lo corta servicio vital di salud publico.”

E demanda ta pidi e corte pa para e administracion di Trump inmediatamente di recorta fondo, cu a ser aloca pa Congreso durante e pandemia y tabata usa mayormente pa esfuersonan relaciona cu COVID, manera test y vacunacion. E fondo tambe

tabata usa pa programanan contra adiccion y pa cuidu di salud mental.

“Pa recorta e fondo aki awor lo atrasa e progreso cu nos a logra contra e crisis di opioide, lo pone nos sistema di salud mental den caos, y lo pone presion riba hospitalnan pa cuida pashentnan,” Letitia James a bisa den un comunicado di prensa ayera.

E Departamento di Salud y Servicio Humano di Merca

(HHS), cu a cuminsa distribui notificacionnan di despedida pa empleadonan ayera — cual ta conta pa un total di 10.000 persona — a bisa cu nan no ta comenta riba un caso cu ta den proceso. Vocero di HHS, Andrew Nixon, a referi na un declaracion oficial di e agencia di siman pasa, ora e decision pa recorta fondo a ser anuncia. HHS a bisa cu e “no lo sigui malgasta biyones di placa di pagadornan di impuesto pa responde na un pandemia no-existente cu e Mericanonan ya a pasa den dje caba.”

E departamento di salud publico local y estatal ainda ta evaluando e impacto di e perdida di fondo, pero e demanda ta referi cu e recorte riba e fondo lo pone centenares di trabao den riesgo y lo debilita e esfuersonan pa combati malesanan infeccioso manera gripe y sarampi.

“Tin maneranan legal pa mehora e manera con placa di impuesto ta ser usa, pero esa-

ki no ta un di nan,” Procurador General di North Carolina, Jeff Jackson, a bisa. “Pa para programanan critico di cuidu di salud sin autoridad legal no ta solamente malo — e ta pone bida den riesgo.”

Mas cu dos decenas di becanan pa investigacion relaciona cu COVID, paga pa e National Institutes of Health, ya a ser cancela.

Dato di e U.S. Centers for Disease Control and Prevention (CDC) di maart ta muestra cu COVID-19 ta causa un promedio di 411 morto pa siman, aunque e emergencia nacional di salud publico ya a caba.

Like us on

**Facebook**

facebook.com/bondianoticia



## Plan ambicioso di vivienda na Amsterdam ta resultando den cas mas chikito

(NLTimes) – E ambicion di construi mil cas tur añu na Amsterdam ta resultando den cas nobo cu ta birando mas y mas chikito. E barionan nobo no tin hopi conexcion social cu e zonanan rondonando nan, y e seguridad ta bao presion durante e proyectonan di construcccion largo. Esaki a ser reporta pa e Corte di Audit na Amsterdam.

E casnan chikito ta consisti di espacio y facilidad comparti. Pero, esaki ta resulta



den gasto mas halto pa residente. Esaki por resulta den “un composicion unilateral di residente.”

Adicionalmente, ta un reto pa

haya espacio pa deporte y naturalesa den e zonanan nobo di vivienda. E Corte di Audit a indica tambe cu tin un “desbalansa” entre e oferta y

demanda di facilidadnan comercial, manera tienda, cu ta resulta den lugarnan bashi. E causa di e problema a resulta pa motibo di un “falta di realismo tocante e (im)posibilidadnan den desaroyo di area.” Esaki ta resulta regularmente den falta di placa pa por realisa e ambicionnan pa e bario nobo.

E Corte di Audit a investiga dos proyecto di construcccion den e ciudad: NDSM-werf West y Amstel III. E institucion di investigacion ta observa cu e municipio ta

buscando solucion pa e problema menciona. Un ehempel di esaki ta cu nan ta haciendo e plan di vivienda menos detaya. Pero e diferencia entre e ambicionnan pa cas nobo y loke ta realisticamente posibel segun e perspectiva financiero ta asina grandi cu “mas realismo” ta necesario.

Den un reaccion, e conclusionnan di e Corte di Audit ta reconocibel. Ambicionnan por choca cu e “realidad economico rebelde.” E directiva a enfatisa cu ta trahando pa soluciona e problema aki.

## Polis ta identifica curpa di estudiante Chines cu a ser haya den riu di Amsterdam

(NLTimes) – Polis a bisa cu un curpa morto cu a ser haya den awa di Nieuwe Meer na Amsterdam a ser identifica como Shengmen Luo, un estudiante di master na Universidad di Amsterdam (UvA). di 23 aña for di China Luo tabata perdi pa casi un luna prome cu polis a descubri su curpa dia 21 di maart den un operacion specifico di buskeda den e zona di recreacion na Amsterdam Nieuw-West.

E causa di morto ta keda bou investigacion, segun polis a bisa diabierna. Equiponan specialisa di investigacion a



descubri e curpa mainta cerca di e parke De Oeverlanden. Investigadornan a cera e area rondon pa realisa examinacionnan forensico y ricibi e resto mortal. Mas despues, polis a confirma cu e curpa tabata Luo.

Luo, ken tabata siguiendo un master den logica na Facultad

di Ciencia, Matematica y Informatica di UvA, a ser mira pa ultimo biaha dia 23 di februari na su apartamento di estudiante na Poeldijkstraat na Amsterdam Nieuw-West. Su desaparicion a bira un motibo di preocupacion pa su companeronan di scol ora cu e no a bin les, forsando nan pa controla su cas. A haya su laptop, paspoort y telefon paden, y su carchi di banco no a ser usa, aumentando preocupacion.

Despues di varios intento pa contacta Luo sin exito, su companero a informa e universidad, cual a traha cu De Key, proveedor di vivienda

pa estudiante, pa sigui su ultimo actividad registra. Su tag di yabi no a ser usa despues di dia 23 di februari, y e no a bin campus den e dianan siguiente. Ora cu e universidad a determina cu e no a biha pa China, autoridadnan a ser informa y un caso di persona perdi a ser lansa dia 1 di maart.

Un par dia despues, polis a declara e caso como urgente, indicando “señal preocupante.” Mayornan y un tio di Luo a biaha for di China pa Hulanda pa yuda cu e buskeda, mientras su companeronan di scol a distribui flyer y a pone peticionnan online

pa informacion. Pantayanan di monitoreo na UvA Science Park a mostra notificacion tocante su desaparicion, y oficialnan di universidad a ofrece apoyo di salud mental pa estudiante y personal afecta. Autoridadnan ta sigui busca informacion di publico tocante e desaparicion di Luo y su movencionnan prome cu su curpa a ser haya.

Slachtofferhulp Nederland tambe ta disponibel pa esnan afecta. E organizacion ta duna asistencia gratis via telefon y online. Ademas, polis di bario tambe ta disponible pa mas apoyo.

## Prome casamento bou di awa na Boneiro

(Bonaire.nu) – Diabierna, 28 di maart, un momento historico a tuma lugar na Boneiro: E prome casamento abou di awa. Na e sitio di duik Angel City, e pareha Canades Holly Brie Henderson y Derek Patrick Messner-Henning a bisa si, marcando un momento historico pa e isla.

Dos aña pasa, nan a bishita Boneiro pa prome biaha y nan a keda enamora cu e mundo vibrante abou di awa y e tranquilidad di naturalesa. Nan tabata sa di biaha: si nan mester casa, lo mester ta abou di awa.

E ceremonia a ser haci pa Dennis Martinus, un oficiante di boda y buceador certifica. Danki na su combinacion di experiencia y pasion unico, e boda no tabata solamente special pero tambe valido legalmente. Abou di



awa, Holly y Derek a kirbi “I DO” ariba placa impermeabel. Mas despues, nan a subi pa firma e certificado di casamento, cu seis testigo oficial.

Dennis Martinus ta haci cada ceremonia di boda special. “E no tabata solamente un boda; tabata un tributo na amor, libertad, y magia di lama,” el a bisa. “Mi a oficia varios boda na sitionan extraordinario: ariba un windsurf, un boto, Seru Langu, Klein Bonaire,

y hasta na Hulanda y Medelin.” E aña aki ta marca su di dies aniversario como oficiante di boda, y e boda abou di awa lo a haci su aña mas memorable.

Cu e boda special aki, Boneiro ta muestra cu e isla no ta solamente un paraiso pa buceador, pero tambe un destinacion pa pareha cu ta busca pa bisa si na un manera inolvidabel.





# Maestro na International School na Den Haag condena pa violacion a traha na otro scol pa un periodo cortico



**(NLTimes) – Un ex-maestro di ciencia y mentor na e International School of The Hague (ISH) cu a ser sentencia pa violacion di un estudiante di 13 aña, a traha brevemente na un otro scol local como personal temporal. E maestro, identifica como A.S., a obtene e rol como maestro substituto di fisica na Maris College despues cu ISH a kit'e for di trabou, un vocero di Maris College a conta Omroep West. E mayornan na ISH ta conta NL Times cu nan ta rabia cu e manera con ISH a comunica cu nan tocante e situacion, y nan ta sinti cu nan a keda den scuridad mientras e caso a desaroya.**

E abuso sexual di e estudiante di 13 aña di ISH a tuma lugar entre juni y november 2023, ora el a ser admiti na un hospital psiquiatrico. El a conta e Tribunal di Distrito di Den Haag cu el a tene relacion sexual cu e docente regularmente, pero solamente despues el a compronde cu e tabata demasiado jong pa duna su consentimiento, y cu e tabata spanta durante nan interaccion. E caso a sali na luz na comienso di 2024 ora cu e hoben, acompaña pa su amigonan, a denuncia e incidente na polis. E caso a yega na corte na januari.

E hoben a splica cu contacto cu e maestro di 36 aña pafo di scol a cuminsa ora e docente tabata cana cune cas. “El a cuminsa papia tocante con sex ta un bon droga. Cu en bes di droga ta mihor masturba,” e hoben a bisa. Despues el a pidi pa pasa anochi na su cas, y tene sexo cune. E tabatin 13 aña na momento ey, y e maestro tabata casa.

Testimonio cu a ser duna na corte a duna detaye grafico di e alegacion di abuso sexual frecuente y violacion cu a tuma lugar durante un tempo extenso. E alegacion di abuso tabata riba incidentenan cu a tuma lugar na ambos cas, y un area di bosque cercano.

Na februari, e Corte di Den Haag a condena e maestro, y a dun'e 42 luna den prison, cu un aña suspendi. E tambe a ricibi un prohibicion di 7.5 aña pa traha den educacion. Corte a haya cu e maestro tabata consciente di e vulnerabilidad grandi di e hoben y gradualmente a crea un dependencia. E victima ta na un otro scol awor y ta supuestamente bayendo bon. Su testimonio a tuma un rol fundamental den e caso contra e maestro.

ISH a bisa cu e victima no tabata bay les mucho durante e aña academico 2023-2024, y pa fin di e aña escolar el a bay for di scol completamente, segun un carta cu scol a manda na e mayornan luna pasa. Nan a suspende A.S. na juni 2023 caba pa tene contacto cu estudiante afo di oranan di scol, un violacion di politica escolar. A kit'e un luna despues di continua contacto, despues di a traha na scol desde 2015.

E scol a bisa cu e tabata preocupa ariba su comportacion y a notifica polis. E no tabata sospechoso ni a ser acusa di mal practica anterior, ISH a skirbi. Pero polis a cera e caso na augustus 2023 debi na falta di prueba. Ora e maestro a ser aresta na 2024, polis a bisa cu esaki no tabata relaciona cu e evento cu scol. Polis tambe no a contacta e scol ora e caso a yega na huicio, ISH ta bisa. Nan a haya sa di

e huicio solamente despues cu A.S. a ser condena na februari, ISH a bisa e mayornan dos siman pasa.

Oficialnan ISH ta expresa shock tocante e detayenan di e caso y e empleo na Maris College, segun Omroep West. E vocero di Maris College a confirma cu e ex-maestro di ISH tabatin un posicion temporal como maestro substituto di fisica pa un par di luna cuminsando fin di februari 2024.

Notablemente, Maris College no a pidi pa un referencia di ISH prome cu a tuma A.S. pa un trabou temporal. “E tabata pa un periodo cortico, y durante esaki, e tabatin un Certificado di Buena Conducta (VOG),” e vocero di Maris College a splica Omroep West. ISH tambe a informa e mayornan di e estudiante cu A.S. no solamente tabatin certificado di VOG;

pero cu versionnan actual a ser presenta durante e 8 aña cu e la traha aki.

Mayornan di studiantenan na ISH a conta NL Times cu nan ta sinti cu e scol a traiciona nan confiansa. Un mayor a bisa cu nan ta kere cu e scol a purba di preveni e noticia sali.

“Un monton di hende por bay otro scol door di esaki,” e mayor a bisa. Nan tambe a sinti incomodo cu e scol no a discuti e situacion cu comunidad di scol pa mas o menos seis siman despues cu A.S. a ser condena.

Awo si e scol ta ofreciendo sosten y terapia pa estudiante, mayor y personal.

**LUNA DI LOCURA!**

**CUMpra 2 LOTTO 5 Y HAY 1 LOTTO 5 LOCO GRATIS**

**CON PA HUNGA?**  
CU CADA COMPRA DI 2 LOTTO 5 RIBA E MESUN TICKET TA RICIBI 1 LOTTO 5 LOCO COMPLETAMENTE GRATIS! MAS BO CUMpra, MAS TICKET LOCO GRATIS BO LO RICIBI!

**PROMOCION TA VALIDO DESDE 1 TE CU 30 DI APRIL**

Pa mas informacion bishita [lottoaruba.com](http://lottoaruba.com) of yama Lotto na 525-7555 of bishita nos oficina situa na Paardenbaaistraat #10, Oranjestad.

[www.lottoaruba.com](http://www.lottoaruba.com)



# Argentina ta reporta un caida den pobreza bao presidente Milei

*Pero varios ta bisa cu bida ta mas dificil*

**(AP) - Argentina su tasa di pobreza a cay na 38.1% durante su presidente Javier Milei su prome aña na mando segun loke e nacion su agencia di estadistica oficial a reporta dialuna.**

Esaki ta algo mira desde cerca, pa motibo cu e ta refleha e gobierno su progreso den atende loke tabata entre e tasanen di inflacion mas halto na mundo.

E caida en pobreza pa e di dos mita di 2024 - for di juli te december - ta marca un mehoracion for di e 41.7% cu e gobierno prome cu Milei a entrega pa e di dos mita di 2023. Milei a gana ultimo eleccion cu un mandato pa cambia e pais su caida economico cu añanan di prestamo irresponsable a causa.

“E cifranan aki ta refleha e fracaso di e politicanan den pasado, cual a manda miyones di Argentino den condicion precario,” Milei su oficina a bisa mientras e gobierno su agencia di estadistica, conoci como INDEC, a publica den su rapport. “E caminda pa libertad economico y responsabilidad fiscal ta e manera di reduci pobreza den termino largo.”

Sinembargo economistanan ta adverti cu loke e cifra aki no ta capta ta e realidad di personanan ordinario cu ta luchando pa maneha e programa di austeridad mas radical cu e pais a yega di mira den su historia recien. Milei su recortenan brutal a golpia for di cushinanan te cu pas-

ashi pa bus, huur di apartamento y cuido di salud, cabando cu e poder di compra di e pueblo.

“Tin un buraco grandi entre kico e estadisticanan ta bisa y kico bo ta sinti riba caya,” Tomas Raffo, un economista di Argentina su sindicato di empleadonan di e sector publico mas grandi CTA a comenta. “Nos a sufri un golpi sumamente fuerte unda tabatin mas hende cu a cay den pobreza y awo algun di nan a sali.. Pero esnan cu tabata pover caba awo ta mas pover ainda.”

E prome mitad di 2024 - e prome 6 luna di Milei su presidencia - INDEC a reporta cu Argentina su tasa di pobreza a aumenta na 53%. Riba dialuna, INDEC a reporta cu e tasa di pobreza pa e 6 luna prome a cambia cu 14.8% na net mas cu 38%, un efecto causa pa un inflacion cu ta cayendo rapidamente.

Inflacion anual a cay na 66.9% luna pasa compara cu 276.2% e ana anterior, segun INDEC.

“Politicamente, esaki ta un logro sumamente importante pa e gobierno,” Camilo Tiscornia, director di C&T Asesores Economicos, un consulta na Buenos Aires a comenta. El a nota tambe cu esaki ta marca e tasa di pobreza mas abao desde prome mita di 2022. “E ta demostra cu loke e gobierno ta haciendo a cuminsa duna resultado.”

E imagen por ta uno dificil di mira riba caya di Buenos



Aires, unda un cantidad creciente di Argentino ta purba sobrevivi pa medio di mina den dump pa sustenta nan mes. E luna aki e capital a sacudi cu choke violento entre polis y manifestantenan cu ta existi pension mas halto.

“Mi ta mira hopi mas persona ta bende cos y drumi riba caya,” Lorena Jimenez, un muhe di 46 ana ta bende sticker cu 2 di su 9 yiu a comenta dialuna. Un ex limpiador di cas cu a perde su trabao ana pasa, e y su yiunan awo ta drumi mas tanto riba caya, usando e 160 dollar cu nan ta ricibi cada luna - parti di un subsidio aumenta cu gobierno ta duna pa sostene muchanan den pobreza - pa paga pa estadia na hotel de bes en cuando.

Preguntanan tocante e estadistica optimista aki a keda aumenta den un pais unda a gara administracionnan den pasado ta fasifica data cu fin politico. Despues di un scandal grandi, INDEC a bay un reforma di ana largo prome cu a bolbe haya credibilidad den 2016. “Pa ami, e infla-



cion y pobreza abao ta un mentira,” Viviana Suarez, un broker di seguro na Buenos Aires a comenta. “Con esaki por ta ora cu bo ta bay supermercado y ta mira cu bo no por cumpra nada cu no ta den promocion?”

Un cantidad creciente di experto a comparti preocupacion cu, mientras e ta perfectamente ortodox, INDEC su medida di inflacion a bira un poco dudoso parcialmente pa motibo cu su indice di prijs di consumo ta basa riba un canasta di aña 2004. E gobierno ta aplica e cifranan di inflacion pa calcula e tasa di pobreza. “E ta sumamente anticua y ta duna tiki peso na e cosnan cu prijs cu actualmente a aumenta mas,” Raffo, economista cu CTA a comenta.

Por ehempel, investigadornan di CTA a comenta, cuminda awendia ta un parti mas chikito di un hogar averahe su presupuesto compara cu 2 decada atras. E indice no ta tuma na cuenta e suscripcionnan digital y otro gastonan clave cu a cambia durante tempo.

Tampoco e no ta tuma na cuenta con servicionan priva critico manera cuido di salud y educacion a bira mas caro desde cu Milei a drenta na mando, y con e residentenan ta pagando pa nan huur den un mercado di vivienda cu no ta regula,” Raffo a splica.

El a agrega: “INDEC ta captando hopi tiki di loke en realidad ta pasando den e economia.”

## Gobierno di Brazil ta admiti na spionahe riba Paraguay durante Bolsonaro su presidencia

**(AP) - Brazil su gobierno a bisa dialuna cu su agencia di inteligencia a vigila autoridanan Paraguayo durante e presidencia di Jair Bolsonaro, ken tabata presidente prome cu Luis Inacio Lula da Silva, un decision cu a stop den maart 2023, 3 luna despues di Lula su administracion.**

E declaracion di Brasil su ministerio di Exterior a bini oranan despues di un rapport di website di noticia UOL, unda a acusa e administracion di Lula di spionahe riba Paraguay. E ministerio no a detaya e oficialnan Paraguayo specif-

ico cu a cay victima pero a bisa cu e vigilancia a stop “asina cu e administracion actual a haya sa di e hecho.”

“President Lula su administracion categoricamente ta nenga cualkier rol den e accion cu inteligencia a reporta awe contra Paragua, un pais miembro di e bloke di mercado Mercosur cu cual Brazil ta mantene relacionnan historico y un partnership cercano,” Brazil su ministerio di Exterior a declara.

Paraguay su minister di Exterior Ruben Ramirez Lezcano a conta reporteronan na

Asuncion dialuna cu e no “tin evidencia cu Brazil a ataca nos sistema.”

Bolsonaro no a haci comentario tocante e caso.

E ministerio tambe a bisa cu director-general actual di su agencia di inteligencia tabata wardando pa confirmacion di Senado den comienso di 2023, ora cu e spionahe tabata activo ainda.

Segun e reportahe di UOL News, agentenan di inteligencia Brasileiro a infiltra sistema di computer di Paraguay pa obtene informacion

tocante negociacionnan di tarifa relaciona cu e dam hidroelectrico Itaipu, un di esunnan mas grandi na mundo.

Brazil y Paraguay ta comparti e derecho di energia genera na e dam di Itaipu, cual tin un capacidad instala di 14,000 megawatt. Brazil ta cumpra hopi di e energia cu Paraguay ta bende, cual a causa negociacionnan tenso den e añanan recien.

Bolsonaro actualmente ta enfrenta huicio di Brazil su Corte Supremo bao 5 acusacion, incluyendo intento di orkestra un golpe de estado

despues cu el a perde eleccion den 2022. E ta enfrenta sentencia y veredicto pendiente den otro casonan tambe dilanti e pais su corte top.






## Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.  
Bishita solamente e pagina oficial di Facebook, Aruba Today News, of e website  
[www.arubatoday.com](http://www.arubatoday.com).

Si bo haya algun problema, nos t'ey pa yuda: [bondia.aruba@gmail.com](mailto:bondia.aruba@gmail.com)



## Hefe di seguridad di Mexico a forma den silencio un forsa elite pa combati cartelnan di droga

(AP) - 6 aña atras e president di Mexico a desmantela e pais su polis federal y a entrega responsabilidadnan di seguridad completamente na e ehército. Awo, su sucesor a silenciosamente cuminsa crea un forsa di operacionnan special y investigacion elite pa lucha contra e cartelnan di droga.

President Claudia Sheinbaum ya caba a demostra disposicion en comienso di su presidencia pa cana leu for di ex presidente Andres Manuel Lopez Obrador su strategia di "brasa no bala" cu tabata critica. E tabata enfoca riba atende e raisnan social di crimen na luga di directamente confronta Mexico su cartelnan poderoso.

Sheinbaum su hefe di seguridad, Omar Garcia Harfuch, ta usando su contactonan den implementacion di ley - mas tanto ex rangonan halto di polis federal - pa cuminsa usa capacidnan di seguridad di forsa arma cu un forsa civil bao su comando directo.

E gobierno te ainda mester anuncia e Unidad de Operaciones Nacional, conoci como UNO, pero su existencia ta un secreto habri entre ex miembronan di Policia Federal, unda Garcia Harfuch a cuminsa su carera.

3 oficial di Mexico, tur ken a pidi keda anonimo pa papia tocante e forsa cu no a keda anuncia ainda, a confirma su existencia na The Associated Press.

Analista di seguridad David Saucedo, ken a papia cu hende cu a uni e forsa laboral a bisa cu e ta kere cu Harfuch su obhetivo principal ta di tin un forsa arma cu ta permiti su persona cumpli cu exigencianan di Washington.

E unidad a cuminsa forma poco despues cu Sheinbaum a drenta mando. Actualmente e tin 250 miembro y ta spera



di yega 800 pa fin di e aña segun un di e oficialnan federal, cu ta familiar cu hopi di e unidad su detayenan.

Dialuna, mientras Garcia Harfuch tabata den un reunion na Washington cu e administracion Trump, e minister di seguridad a publica un yamado na graduadonan di universidad pa "bira e prome generacion di agentenan di inteligencia y investigacion," solamente bisando cu nan lo ta parti di un grupo specialisa pa fortalece e pais su seguridad.

UNO lo tin 3 brasa distribui na Mexico, ademas di un ekipo di impacto halto cu lo ta e "elite di e elite," segun e oficial federal.

E miembronan actual ta mas tanto ex miembro di Policia Federal y miembronan di e ekipo di operacion special cu Garcia Harfuch a crea ora e tabata Ciudad de Mexico su hefe di polis. Mayoria a ricibi training anteriormente for di forsanan di seguridad for di Merca, Colombia Spaña of Francia.

Su desafio ta e reconstruccion di confiansa di su coleganan Mericano despues cu Lopez Obrador a limita e movecion

di agentenan di Merca na Mexico y haci esaki mientras cu Donald Trump ta presiona Mexico pa aumenta e lucha contra trafico di fentanilo.

Poco despues cu el a drenta na mando, Lopez Obrador a reemplasa Policia Federal cu un forsa nobo, e guardianan nacional, cual e a bende na publico como civil pero semper e tabata lidera pa y crea pa forsanan arma.

El a critica Policia Federal como hopi corrupto pa spaar y a haci Mexico su ex hefe di seguridad Genaro Garcia Luna, ken e tempo aki tabata den huicio na Merca y eventualmente a keda condena pa traha pa e cartel di Sinaloa, e cara. El a recorta financiamiento pa training y ekipacion di polis local.

Loke a bini despues tabata 6 aña cu e criticonan ta describi como e militarizacion cu efectivamente a concentra autoridad den man di forsanan arma. A pesar di esaki, e nivelnan di violencia a keda sumamente halto y criticonan ta bisa cu e cartelnan a crece, bira mas fuerte, motiva pa e ganashi creciente di fentanilo. Un di e criticanan principal di Guardia Nacional y ehército

tabata cu mientras nan tabatin cantidad grandi y poder nan no tabatin e habilidadnan di investigacion necesario pa desmantela organisacionnan criminal grandi.

Garcia Harfuch inicialmente tabata un "tiger sin djente," ken tabata topa cu recursonan, informacion y documentonan di investigacion nenga di parti di otro entidadnan segun Sucedo, basa na e estado di Guanajuato, esun mas violento di Mexico.

UNO ta pone un forsa elite bao su comando directo.

E oficial federal Mexicano a nenga cu UNO su obhetivo ta di satisface Trump, pero a nota si cu e unidad ta involucra den entrega di 29 figura di cartel di perfil halto na Merca den momentonan halto di e negociacionnan entre e dos pais pa suspende e tarifanan cu a propone. A saca nan for di prison na Mexico, uni nan y manda nan Merca sin indecente algun.

E forsanan special di operacion, sea naval, ehército of polis federal o estatal, tin un historia complica na Mexico, involucra den varios scandal y abusanan di poder, asesinatonan extrahudicial y infiltra-

cion di cartel.

"Nos a mira hopi caso cu tabata malo," oficial federal anterior a expresa, ken a agrega cu tambe tabatin polis honesto. El a comparti cu e ministerio di seguridad ta poniendo enfasis riba un screening mas estricto, investigacionnan di background extenso y un miho pago na momento cu nan keda selecciona.

Garcia Harfuch su influencia tambe ta extende na estadonan unda Sheinbaum su partido tin poder. Personanan den kien e tin confiansa ta tumando posicionnan di seguridad clave y UNO lo train ekiponan di operacion special cu tambe ta consisti di hopi ex polis federal.

E parti sur di Chiapas, unda Mexico su cartelnan mas poderoso ta batayando pa control di rutanen di contrabando, a anuncia un forsa di operacionnan special den december yama Pakal cu 500 miembro. 2 miembro a conta AP cu nan tabata ex polis federal y a cumpli 8 luna di training specialisa pa uni Pakal.


Sinembargo dudanan ta persisti. Pa Saucedo desde cu e forsa elite nobo no tin un control interno efectivo ainda y mecanismo di responsabilidad, "no tin garantia cu e grupo elite aki no lo comete e excesonan cometi pa otro gruponan di operacionnan special."





## Descuento pa local na Spa Sensations di JOIA Aruba by Iberostar

Un era nobo den relahacion y bienestar a yega Aruba cu entrada di Spa Sensations, ubica den e impresionante JOIA Aruba by Iberostar. Diseña pa ofrece un experiencia di spa inigualabel, Spa Sensations ta combina un servicio di prome nivel, producto cosmetico di calidad halto y instalacionnan moderno pa crea un santuario di tranquilidad y placer.



poral y tratamiento facial crea pa restaura e balans y resalta e beyesa natural. E terapeutanan, altamente capacita, ta uza djis e miho productonan garantizando resultadonan cu ta refresca y revitalisa.

Pa esunnan cu ta busca un renobacion completo, un bishita na e spa tambe ta inclui e experiencia di hidroterapia cu ta elimina stress, permitiendo cu mente y curpa ta relaha por completo. E area di hidroterapia ta consisti di un espacio di sauna, steam-room, showers, pool, jacuzzi y tambe un cold plunge.

Ademas, e serviccionan di salon ta brinda tratamiento experto pa cabey y huña, perfecto pa esunnan cu kier muestra y sinti lo miho posibel. Sea ta un tratamiento capilar profundo, un manicure of un corta di cabey na e ultimo tendencia, Spa Sensations ta garantiza cu cada cliente ta bay cas sintiendo renoba y radiante.

**Oferta Exclusivo pa Local**  
Reconociendo e importancia di cuidu personal, Spa Sensations ta contento di por ofrece un 20% di descuento na tur residente di Aruba, riba cualquier tratamiento of servicio. E oferta exclusivo aki ta permiti nos hendenan local

tono pa un experiencia di relahacion total, cu elementonan di diseño sofistica cu ta resalta den cada area; for di e cambernan di tratamiento, te na e salanan di relahacion. Tur detaye ta cuidadosamente selecciona pa crea un sensacion di harmonia y bienestar, sigurando cu e cliente ta disfruta di un luho di cinco strea.

### Servicio y Facilidad di Taya Mundial

Na Spa Sensations cliente por disfruta di un menu extenso di tratamiento rehubenecedor, incluyendo masashi exclusivo, terapia cor-

For di momento cu bo drenta Spa Sensations, bo ta transporta na un oasis di puro serenidad. E decoracion exkisito di e spa ta marca e



biba e tratamentonan di bienestar y beyesa di clase mundial na un balor excepcional.

Sea cu bo ta busca un escape relahante, un cambio di imagen of un sesion revitalisante, Spa Sensations na

JOIA Aruba by Iberostar ta bo destino ideal pa bienestar y rehubenecimento. Reserva bo cita awe y regala bo mes loke bo merece. Pa reservacion yama 6999315 of email na [ebasp4@iberostar.com](mailto:ebasp4@iberostar.com) pa mas informacion.

## Elenco di pelicula cu lo conta biografia di The Beatles revela *Paul Mescal, Barry Keoghan, Joseph Quinn y Harris Dickinson*

(AP) - Ehecucionan di studio di Hollywood lo tin ayudo di Johnn Lennon, Paul McCartney, George Harrison y Ringo Starr - conhuntamente cu e celebridadnan anuncia pa interpreta nan.

Sony Pictures a cuminsa e convencion CinemaCon anual na Las Vegas dialuna pa medio di anuncia nan 4 pelicula binidero cu lo ta biografia conta di e perspectiva di cada miembro di The Beatles.

Na nan presentacion riba escenario principal na Caesars



Palace, e studio a confirma y revela e elenco pa cada pelicula – Paul Mescal como McCartney, Joseph Quinn como Harrison, Barry Keoghan como Starr y Harris Dickinson como Lennon.

Director Sam Mendes a bisa cu tur 4 pelicula lo premiere april 2028, yamando esaki e “prome experiencia teatrico cu por wak tras di otro. Mi tin ana purbando di crea un storia tocante The Beatles,”

Mendes a bisa. E convencion ta atrae miles di empleado den industria di pelicula for di rond mundo cada aña, cu studionan grandi di Hollywood haciendo presentacion grandi cu clip di pelicula, trailer y celebridadnan pa revela nan plannan cu lo atrae audiencia pa cinema.

Sony ttambe a conta cu presencia di Danny Boyle pa debuta e trailer nobo di “28 Years Later,” e di dos parti hopi spera di su pelicula apocaliptico di zombie “28 Days Later” yegando cinema den juni, ademas di e ekipo tras

di “Spider-Man: Beyond the Spider-Verse” pa revela nan tercer pelicula den e trilogia Spider-Verse.

CEO di Sony Tom Rothman a encurasha dononan di cinema pa bira creativo cu descuento durante siman y ehecutivo di Sony Adam Bergerman a bisa cu mester keda cu pelicanan na cinema pa mas tempo.

E convencion ta bini despues di un Oscar unda tabatin yamado pa mira pelicanan na cinema.



## Director di película “JFK” Oliver Stone ta haci yamado pa investiga e asesinato di Kennedy na 1963



(AP) – Director Oliver Stone, ken a gana un Oscar cu su película di 1991 “JFK” cual a refleha e asesinato di Presidente John F. Kennedy como un conspiracion gubernamental, a pidi ayera pa un investigacion congressional nobo di e asesinato durante un audiencia cu ta transmiti teorlanan di conspiracion ariba e topico aki.

E audiencia di e House Task Force ariba Declassificacion di Secreto Federal, unda cu alkier keho partisano a sali, a sigui e publicacion di miles di pagina di documentonan gubernamental relaciona cu e asesinato. E presidente Republicano di e task force a cuminsa e procedemento cu preguntanan riba e conclusion di e investigacion di Warren Commission cu ta bisa cu Lee Harvey Oswald a actua su so den a asesinato di Kennedy durante un ruta di parada na Dallas 22 di november 1963.

Eruditonan ta bisa cu e documentonan cu presidente Donald Trump a ordena pa ser publica no a muestra nada

contra e conclusion cu un persona arma so a mata Kennedy. Hopi documento a sali anteriormente pero tabata contene redaccion cu a ser saca afo, incluyendo number di seguro social, cual a frustra varios hende pasobra nan informacion personal a sali.

Stone su película “JFK” a keda nomina pa 8 Oscars, incluyendo mihor película, y a gana dos. El a gana mas cu \$200 milyon pero tambe a ricibi varios pregunta tocante su exactitud historico. Stone a bisa e comision cu e ta kere cu decadas di keda sin tur documento a preveni “claridad” ariba ken a mata JFK.

Stone tambe a bisa cu un investigacion nobo “fuera di tur consideracion politico” mester cuminsa “na lugar di e crimen” y reexamina tur e evidencia di e dia di asesinato. Eruditonan y historiadonan a conclui cu tin prueba fuerte cu Oswald, un ex-marino di 24 aña, a actua su so den e asesinato di Kennedy.

“Nos por bira mundo back na un punto caminda nos por confia den nos gobierno pa comunica cu nos, e pueblo

pa ken e gobierno ta existi?” Stone a bisa. “E ta nos democracia. E ta nos presidencia. E pertenece na nos.” E presidente di e task force, Rep. Anna Paulina Luna di Florida, a bisa cu e ta pensa cu e gobierno federal bou administracion anterior a comete “stonewalling.”

E task force a scucha tambe di un testigo cu a critica e maneho di e administracion di Trump riba e publicacion di e documentonan di e caso JFK. John Davisson, consehero mayor di Electronic Privacy Information Center di Washington, a bisa cu e tabata “pura” y ta sugeri cu e National Archives and Records Administration “simplemente a ignora” proceduranan pa proteha privacidad di hende.

E Demócrata di e task force a sigui ariba e comentarionan criticando e administracion di Trump riba otro asunto. “Loke mi ta haya comico tocante e audiencia aki ta cu Republicanonan ta cuestiona si e CIA a gaña 60 aña pasa,” Rep. Jasmine Crockett.

Crockett a sugeri cu e congreso mester investiga mas riba e revelacionnan unda cu oficialnan di seguridad nacional a discuti plannan di atake sensitivo ariba un app di mensahe y a hinca un periodista den e grupo di chat.

E ultimo investigacion congressional formal di e asesinato di Kennedy a tuma tres aña y a termina na 1978, ora cu un comision di e House a emiti un rapport cu a conclui



cu e Union Sovietico, Cuba, crimen organisa, CIA y FBI no tabata involvi, pero Kennedy “probablemente a ser mata como un resultado di un conspiracion.” Na 1976, un comision di e Senado a bisa cu nan no a encontra suficiente prueba “pa hustifica un conclusion cu tabatin un conspiracion.”

E Warren Commission, a conclui cu Oswald a tira riba e vehiculo di Kennedy desde e di seis piso di e Texas School Book Depository, caminda Oswald tabata traha. Polis a aresta Oswald den-

tro di 90 minuut, y dos dia despues, Jack Ruby, un doño di un club nocturno, a mata Oswald durante un transferencia den prison cu a keda transmiti na television en bibo.

Pa e audiencia di ayera, e task force a invita Jefferson Morley y James DiEugenio, cu a skirbi un buki cu ta argumenta ariba e conspiracion di e asesinato. Morley ta redactor di JFK Facts blog y vicepresidente di Mary Ferrell Foundation, un repositorio pa documentonan relaciona cu e asesinato.



**No bai Campa sin esaki!**

**AFL. 749**

**AFL. 549**

**AFL. 749**

**AFL. 399**

**electro** ★

● Avenida Milio Croes 41 ☎ (+297) 280-0222



## Defensor di Arsenal Gabriel lesiona un siman prome cu partido di Real Madrid den Champions League

(AP) — Defensor di Arsenal Gabriel Magalhães mester a baha veld pa un lesion den su hamstring na banda drechi durante e wega di Premier League contra Fulham ayera, causando duda riba su disponibilidad pa e wega di Champions League otro

siman contra Real Madrid.

E defensor di Brasil a tira e bala patras mientras cu e tabata core pa su gol y Fulham a lansa un contra atake. Ora e wega a yega su fin, el a cay riba e veld y a sacudi cabes como un señal cu e mester sali for

di wega. Gabriel finalmente a sali na e di 16 minuut, y a ser reemplasa pa Jacob Kiwior. Arsenal, cu ta di dos den liga y a cuminsa e wega contra Fulham cu 12 punto atras di Liverpool, tin un wega contra Madrid e luna aki. E prome wega ta na Emirates Stadium dia 8 di april.



## Delegacion di boxeo Boneriano a yega Aruba pa competencia internacional di boxeo

(Bonaire.nu) — E delegacion di boxeo di Boneiro a yega Aruba ayera mainta, unda nan lo tuma parti na e di 14 edicion di 'Fire to the Ring'. E deportistanan a ser ricibi cu hopi animo na aeropuerto pa organisador Ricardi Illidge.

E boxeadornan Ricardi Muñoz, Dylan Sint Jago y Kevin

Scharbaai lo representa Boneiro den e competencia internacional prestigioso dia 4 di april. Bao liderato di nan entrenador William Evertsz, Thuersten Winklaar y Gregory Scharbaai, e atletanan ta prepara pa un lucha emocionante.

E competencia 'Fire to the Ring' ta conoci pa su combate intensivo y nivel halto di

participante for di diferente pais. E delegacion Boneriano ta spera di impresiona y logra exito den e ring. Durante e proximo dianan, e boxeadornan lo concentra ariba e ultimo trainingnan y preparacion tactico. Segun e Bonaire Boxing Federation, e ambiente den e team ta positivo y e speransa ta halto.

## Di dos edicion di campeonato di natacion tabata un exito

(Bonaire.nu) — Diasabra pasa, e di dos edicion di e campeonato di natacion na Boneiro a tuma lugar na e piscina na Parke Tului. E torneo a atrae hopi interes y a conta cu 103 participante, incluyendo landado di FKPD/Special Olympics. Tanto mucha como adulto a tuma parti den varios tipo di natacion, incluyendo vrije slag, breaststroke y vlinderslag.

E organisacion a tuma cuido pa un setting profesional cu bloki di salida y un punto di birada monta, pa asina e competencia por haya un presentacion oficial. Un detaye interesante ta e participacion di mucha chikito, cu a demonstra nan talento den landamento na un edad tempran.



Participantenan a enfrenta un coriente leve, cu a haci e competencia mas interesante. Ariba e piscina, un tribuna a ser poni, unda espectadornan a anima nan landado favorito. Na algun momento, e tribuna a keda hopi yen, loke a contribui na e ambiente di e evento.

E organisacion a comenta cu despues di e evento nan



a keda contento. "E dia a bay bon. E tabata precies con nos a pensa e lo bay".



## S.V. Uruguay ta lidera den competencia di futbol Boneriano

(Bonaire.nu) — S.V. Uruguay a tuma posicion di lider den competencia di futbol di Boneiro. E ekipo a logra un victoria importante di 0-2 contra S.V. Independiente, y asina ta subi ariba Real Rincon, cu pa hopi ta considera e favorito pa e titulo. E victoria di Uruguay ta haci e competencia mas interesante, esta cu Real Rincon tabata considera como un forsa dominante den e temporada anterior.



Na e region mas abou, S.V. Young Boys a logra su prome

victoria di e temporada. E ekipo, cu a keda na e di ulti-

mo lugar pa un tempo largo, a gana 4-2 contra Arriba Peru. Esaki a haci cu Young Boys a subi riba e lista di posicion, y Arriba Peru ta tuma e ultimo lugar.

### Protesta di Young Boys contra Independiente

Apart di e exito deportivo, tambe tabatin un situacion controversial den e competencia. S.V. Young Boys a atrae atencion di e federacion di futbol di Boneiro (F.F.B.) ariba un irregularidad durante

e wega contra S.V. Independiente dia 14 di maart 2025. E club a nota cu un hungador, ken tabata riba e lista di hungador y tambe a participa den e wega, en realidad tabata contrata cu S.V. Uruguay.

Ainda no ta cla si Hurtado Valencia lo ricibi un suspension of si sancion lo ser imponi riba S.V. Independiente. F.F.B. lo mester analisa e situacion y determina si ta entrega consecuencia pa e ekipo of e hungador.



# Legisladornan di California ta rechasa proyecto di ley cu ta busca pa prohibi participacion di atleta transgenero den deporte di muher



(AP) — E bataya ariba participacion di atletanan transgenero den deporte hubenil a bin California ayera ora cu legisladornan estatal a rechasa dos proyecto di ley cu e meta pa tene muchanan y hobennan transgenero for di ekiponan deportivo consistente cu nan identidad di genero.

Legisladornan a vota pa blokea un proyecto di ley cu lo a rekeri e Federacion Interscolar di California, e organo di gobernacion pa deporte di scol secundario, pa adopta reglanan cu ta prohibi studiantenan cu nan sexo a ser asigna como homber na nacemento di participa den un ekipo deportivo escolar di mucha muher.

Miembro di Asamblea Kate Sanchez, un republicano cu ta autor di e proyecto di ley, a bisa cu e proposicion tabata tocante husticia. “AB 89 ta tocante proteccion di hende muher,” el a bisa.

Miembro di Asamblea Sharon Quirk-Silva, un Democrata den e comision, a bisa cu e lo sostene un estudio tocante participacion di atletanan transgenero den deporte pero cu e prohibicion proponi tabata un atake ariba hoben transgenero. “Esaki ta robes, y esaki ta cruel,” el a bisa.

Legisladornan tambe a rechasa un prohibicion proponi cu lo a cambia back un ley di 2013 cu ta permiti studiantenan participa den un ekipo deportivo segrega pa sexo cu ta aline cu nan identidad di genero, sin importa e sexo lista riba nan registranon. E lo a aplica pa studiantenan di K-12 y universitario.

E proyectonan di ley sosteni pa Republicanonan a atrae un multitud grandi na e audiencia di e Comision di Arte, Entretenimento, Deporte y Turismo di e Asamblea estatal, yenando e sala di e comision, cu mas hende den liña pafo pa testifica riba e proyectonan di ley. E comentarista politico conservativo Matt Walsh y un estudiante-atleta cu ta bisa cu un coreedor transgenero a tuma su lugar den e ekipo di cross country di su scol secundario a testifica den sosten di un prohibicion. Defensoran di LGBTQ+ y mayornan di muchanan transgenero a expresa nan oposicion na e proposicionnan.

Defensoran di e proyectonan di ley a referi varios biaha na e comentarionan ricien cu e gobernador Democratico Gavin Newsom a haci ariba su podcast, ora el a cuestiona e husticia di atletanan transgenero cu ta participa den deporte di mucha muher, frustrando simpatisadornan di e partido. Newsom no ta directamente involvi cu e cambio di ley estatal y generalmente no ta comenta riba legislacion pendiente. E audiencia a bin un dia despues di Dia di Visibilidad di Transgenero.

Miembro di Asamblea Democratico Chris Ward, e presidente di e comision cu ta dirigi e caucus legislativo LGBTQ+, a bisa prome cu e audiencia cu e ta spera lo “brinda un ambiente balans caminda tur dos banda por presenta nan argumentonan y participa den deliberacion racional.”

Por lo menos 24 estado tin leynan cu ta prohibi hende muher y mucha muher transgenero di participa den

motibo di prohibicion a ser permiti pa competi.

Na nivel federal, presidente Donald Trump a firma un orden ehecutivo luna pasa cu e meta pa prohibi atletanan transgenero di participa den deporte di mucha muher y hende muher.

E prohibicion ta parti di un bataya nacional riba derechonan di transgenero, cu algun estado tambe imponiendo prohibicion riba cuida di afirmacion di genero y ta rekeri scolnan pa comparti e identidad di genero di studiantenan cu mayornan sin e consentimiento di e estudiante. Secretaria di Enseñansa Linda McMahon a duna su opinion tocante e prohibicion proponi pa California. El a manda Newsom un carta siman pasa, bisando cu su re-

markenan riba su podcast a capta su atencion y a pidi pa e aclaria su posicion y sostene e proyecto di ley cu lo cambia e ley di 2013.

“Tuma un posicion riba bo conviccionnan,” el a skirbi. “Sea cla tocante e dañonan di confusion di genero. Proteha espacio femenino. No encurasha muchanan pa busca intervencion medico permanente pa nan sexo. Informa mayornan.”

E Departamento di Enseñansa di Merca tambe a anuncia un investigacion siman pasa den e departamento di enseñansa estatal tocante un ley cu ta prohibi districtonan di scol di rekeri maestronan y personal pa notifica mayornan si un estudiante a cambia su identidad di genero na scol.



## Stichting Reclassering en Jeugdbescherming Aruba

Sabana Blanco 71  
T 582-1496 / 582-2491  
F 583-0084  
E info@reclasseringaruba.com

Stichting Reclassering en Jeugdbescherming Aruba is onder andere belast met het rapporteren over, toezicht houden op en begeleiding van jeugdigen die een strafbaar feit plegen. In dit kader roepen wij **per direct** sollicitanten op voor de volgende functie:

### ❖ (Jeugd) Reclasseringswerker: m/v (40 u.p.w.)

De jeugdreclasseringswerker voert in opdracht van Justitie, de casusregie uit bij jeugdige wetovertreders binnen een gedwongen kader. Ingezet wordt op het voorkomen van recidive en het realiseren van gedragsverandering bij jeugdigen met delinquent gedrag.

#### Functie-inhoud:

- Onderzoeken van strafbaar gedrag en de omstandigheden waaronder iemand een strafbaar feit pleegde en het risico op recidive inschatten
- Diagnose vaststellen van strafbaar gedrag en advies uitbrengen
- Bezoeken aan politiewachten en het gevangeniswezen
- Huisbezoeken afleggen
- Netwerk contacten en onderhouden betrokken instanties
- Begeleiden en houden van toezicht op cliënten
- Reguliere casusbesprekingen/teamoverleg
- Bijwonen van terechtzittingen
- Bijwonen van T.O.M. zittingen
- Het voorbereiden en plaatsen van minderjarigen in een opvoedingsinstituut
- Het regelmatig bijwonen van vergaderingen met de Jeugdofficier van Justitie
- Informatie en advies/voorlichtingen/lezingen geven

#### Functie-eisen:

- Afgeronde relevante HBO-opleiding (MWD, SPH, Pedagogiek of verwante vakgebied)
- Ervaring binnen jeugdreclassering, jeugdzorg of verwante vakgebied is een pré
- Ervaring binnen en affiniteit met verslavingszorg is een pré
- Kennis van pedagogiek en ontwikkelingspsychologie
- Kennis van complexe gezinssystemen, voorkomende problematiek en signalen en risicofactoren
- Kennis van en inzicht in het hulpaanbod, hulpverleningsmethodieken
- Kennis van (de toepassing van) de wettelijke kaders en richtlijnen voor de (jeugd)strafrecht
- Hoge mate van integriteit, empathie en geduld
- Sterke communicatieve vaardigheden waaronder goede beheersing van de Nederlandse taal in woord en geschrift
- In staat om effectief samen te werken in een team en met externe partners
- Flexibel en creatief ingesteld

Wij bieden een pittige, boeiende en afwisselende baan. De aanstelling is **voor de duur van een jaar**, met uitzicht op een verlenging. Heb je nog vragen over de functie dan kun je bellen met Mevr. Pemberton-Leonard bereikbaar onder telefoonnummer **00297 – 5821496/ 5822491**.

Je sollicitatiebrief met CV kun je uiterlijk 15 april 2025 sturen naar [info@reclasseringaruba.com](mailto:info@reclasseringaruba.com)

We kijken ernaar uit om jouw sollicitatie te ontvangen en meer te horen over hoe jij kunt bijdragen aan ons team.



## Legisladornan Hulandes ta pusha pa un ‘boton cora’ cu lo delete marca rasgo digital

(NLTimes) - **Legislador-nan Hulandes Don Ceder (ChristenUnie) y Jesse Six Dijkstra (NSC) a introdu-ci un proposicion pa haci mas facil pa individuonan delete nan data personal for di internet.**

Nan plan, delinea den nan nota di iniciativa Digital Children’s Rights, ta inclui un “boton cora” cu lo permiti hende kita nan marca digital cu un solo accion segun AD a reporta. E medida, cual a keda presenta oficialmente diamars mainta, ta primeramente cu e meta di proteha hobennan. Bao e proposicion, e gobierno ta activamente acerca individuonan ora cu nan cumpli 18 aña y ta ofrece nan acceso gratis na e herment aki. Adul-tonan tambe por haci uso di e funcion aki, pero ta rekeri pa nan paga un suma pa e servicio. “Pero no hopi,” Ceder a garantis-a.

Ceder y Six Dijkstra ta argu-menta cu tracking y crea perfil di individuonan online ta



cuminsa na un edad hoben. “Awendia, bo no por wak un website sin cu bo informa-cion ta graba,” Ceder a bisa, refiriendo na loke ta yama cookies - file di data chikito cu ta colecta informacion di un usuario, incluyendo nan detaye personal y interesnan. “E puntonan di data aki ta acumula. Prome cu bo cumpli 18, ya caba a crea vari-

os perfil digital di abo.”

Aunke websitenan ta rekeri usarionan acepta of rechasa cookies ora di usa esaki, e legisladornan ta argumenta cu muchanan hopi biaha ta acepta esaki sin compronde completamente e consecuen-cianan. “Muchanan no ta re-alisa kico nan ta aceptando,” Six Dijkstra a comenta.

E legisladornan ta adverti cu e perfil digital aki por tin efec-tonan duradero, potencial-mente causando desbentaha sistematico. “Algun cos ta djis un etapa di bo bida, spe-cialmente ora bo ta hoben,” Ceder a bisa. “Pero un perfil ta crea tocante bo persona for di comienso, e frasenan aki por sigui’bo pa añanan. Si bo termina den un trampa digi-

tal, e ta dificil pa scapa.”

Ceder y Six Dijkstra ta basa nan proposicion riba e prin-cipio legal di e “derecho di ser lubida,” cual ta garantis-a un individuo su habilidad di por kita nan data personal for di plataformanan online. Companianan digital ya caba ta rekeri di cumpli cu e dere-cho aki y e legisladornan ta kere cu nan herment proponi lo haci e proceso aki uno mas simple.

“E companianan mester haci esaki caba,” Ceder a declara. “E ta parece logico cu nan mester cumpli cu esaki ora Tweede Kamer pidi.”

Sinembargo, si companianan di tecnologia grandi manera Google, X, Meta of Tinder nenga coopera, Six Dijkstra a nota cu implementacion mas estricto por ta considera tambe. “Nos por investiga manera di recorda nan di nan obligacion legal.”

## Trump lo organisa un reunion cu aliadonan pa trata e compra di TikTok cu posible prohibicion den balans

(AP) - **President Donald Trump lo organisa un re-union cu posible inver-sionistanan cu por cumpra TikTok, un acuerdo cu por potencialmente stop e plataforma su prohibicion na Merca.**

E detayenan di e reunion a keda confirma pa un persona familiar cu e situacion cu a pidi keda anonimo pa trata e deliberacionnan interno.

Tin incertidumbre tocante e aplicacion despues cu ley a drenta den efecto dia 19 di januari, unda ta rekeri su doño Chines, ByteDance, deshaci di su status como doño a causa di preocupacionnan di seguridad nacional. Despues di a subi na mando, Trump a duna TikTok un pausa di 75 dia pa medio di firma un ordo ehecutivo cu a atrasa te cu dia 5 di april e implementacion di un ley cu ta rekeri e benta of ta impone un prohibicion.

Entre posible inversionistan-an tin e compania di software Oracle y e firma di inversion Blackstone.

Probable di ta na e reunion



cu Trump ta Vice Presidente JD Vance, Secretario di Comer-cio Howard Lutnick, consehero di seguridad nacional di Cas Blanco Mike Waltz y director di Inteligencia Na-cional Tulsi Gabbard.

CBS News a reporta tocante e reunion prome.

Papiando cu reporteronan diadomingo mientras abordó di Air Force One, Trump a bisa cu e kier “mira TikTok keda bibe.” Anteriormente el a indica cu e ta considerando reduci tarifa contra China su e pais aproba e benta.

Durante su prome termino, Trump a purba prohibi Tik-Tok a base di preocupacion pa seguridad nacional, cual corte a para prome cu su adminis-tracion a negocia e benta di e plataforma cu eventualmente no a materialisa. El a cambia su posicion pa cu e aplicacion durante eleccion ultimo y a credita e plataforma cu yuda su persona gana mas vota-dor hoben. “Mi a gana e voto hoben cu 36 punto. Repub-licanonan generalmente no ta mira bon resultado den hobennan,” el a declara diadomingo. “Mi ta kere hopi di esey por a ta TikTok.”

Trump a bisa cu e deadline pa un acuerdo di TikTok por keda extendi si esaki bira necesario. Anteriormente el a propone terminonan den cual Merca lo tin 50% di e aplicacion. E administracion no a provee detaye riba ki tipo di acuerdo esaki lo ta.

TikTok y ByteDance no a duna comentario publico to-cante e dialogo. Tambe no a keda cla si ByteDance a cam-bia su posicion riba e benta di TikTok, cual a bisa den comienso di ana pasa cu e no tin plan di haci esaki.

Si pa dia 5 di april no haya un comprador pa TikTok, e ley original cu ta prohibi esaki den henter e nacion un bi-aha mas lo drenta den efecto. Sinembargo, e deadline di e ordo no ta uno final y e presi-dente a reitera cu por extende esaki si necesario.

Aunke no ta completamente cla si ByteDance tin plan di bende TikTok, varios posible comprador a bini dilanti den lunanan recien.

Aliado di Vice Presidente JD

Vance, ken ta supervisa un posible acuerdo, a acerca cier-to partido, manera Perplexity AI, pa ricibi detaye adicional tocante nan oferta, segun un persona familiar cu e topico. Den januari, Perplexity AI a presenta un proposicion na ByteDance cu lo combina Perplexity su negoshi cu Tik-Tok su operacion na Merca.

Otro posible comprador ta inclui un grupo organisa pa biyonario Frank McCourt, cual recientemente a recluta co-fundador di Reddit Alexis Ohanian como consehero strategico. Inversionistanan den e grupo ta bisa cu nan a ofrece ByteDance 20 bi-yon dollar cash pa TikTok su plataforma na Merca. Si esaki mira exito, nan tin plan di redisen-a e aplicacion cu tec-nologia di blockchain cu nan ta bisa lo provee e usarionan cu mas control riba nan data online.

Jesse Tinley, e fundador di e firma di payroll Employer.com, ta bisa cu e tambe tin un grupo organisa cu ta inclui e CEO di Roblox y ta ofrece ByteDance mas di 30 biyon dollar pa TikTok.



## Accidente cu un auto sin papelnan na ordo na Pos Abao



**Dialuna anochi a drenta informe di un accidente na e crusada di Pos Abao, mesora a dirigi patruya na**

**e sitio.**

Na yegada a bin constata cu aki ta trata di un entre un

Hyundai Getz y un pick-up Ford Ranger.

E pick-up a lora dilanti e Getz

sin duna preferencia cual a causa e accidente. E chauffeur di e Hyundai Getz no tabata tin su papelnan na ordo

y entre nan mes a regla e accidente.

## Chauffeur di un Toyota Passo a bay dal tras di un pick-up truck

**Diamars mainta a drenta informe di un accidente banda di Solemare na Palm Beach, mesora a dirigi un patruya na e sitio.**

Na yegada di e patruya a bin compronde cu aki ta trata di un accidente unda cu e chauffeur di un Toyota Passo no a regula su velocidad ni a mantene distancia y a bay dal tras di e pick-up truck su dilanti. Afortunadamente ningun hende a resulta herida.



## Ladronia di tubo na Engelandstraat

**Diamars mainta a tuma nota den Engelandstraat 3 persona ta haci movecion straño rond di un cas banda di Lions Club.**

Aki mesora a cuminsa documenta con e personanan aki ta corta y bay cu tubonan di koper. Por a nota con e

chauffeur mes tambe tabata hinca tubo den bahul sigui pa e otro 2 cu tubo den man. Nan a core hinca esaki den auto y bandona e sitio. Ta trata aki di un auto Hyundai A-19999. Mester ta pendiente cu ladronia asina ta tuma lugar den dia cla sin ningun worry.



## Turista a cay y no por a lanta canando den Franse Pas



**Diamars merdia a drenta informe di cu un turista lo a cay y no por lanta den Franse Pas, mesora a dirigi ambulance pa e sitio.**

Na yegada a bin constata cu aki ta trata di un turista di edad cu lo a cay y no por a lanta. Ambulance hunto cu

ayudo di esnan riba un tour a logra lanta e persona y hib'e mas cerca di e ambulance posibel. E persona cual ta un turista di edad a keda trans-

porta pa hospital pa control mas extensivo. Mester a nota cu tambe mesun ora na 2 otro lugar tambe tabatin turista cu a cay kap cabes como tambe

un otro turista cu a cay y no tabata reacciona verbalmente. Ambulance a bay atente e casonan ey tambe y hiba e heridonan hospital.



## Corte Constitucional di Corea di Sur lo dicta sentencia diabierna riba impeachment di Yoon

**(AP)—Corte Constitucional di Corea di Sur lo dicta sentencia diabierna riba si lo oficialmente impeach of reinstala presidente Yoon Suk Yeol, un decision cu probablemente lo dividi e pais aun mas sin importa cua decision e corte tuma.**

E corte a keda delibera riba e futuro politico di Yoon despues cu e lider conservador a ser impeached na december pa e Asamblea Nacional, cual ta domina pa e oposicion liberal, pa impone ley marcial por un periodo corto cu a causa un crisis politico grandi den e pais.

Miyones di hende a sali na marcha rond e pais pa sostiene y condena Yoon. Polis a bisa cu nan lo mobilisa tur personal disponible pa mantene orden y responde na posible vandalismo, incendio criminal y agresion prome y despues cu e sentencia sali.

Corte Constitucional a bisa den un comunicado cortico ayera cu e sentencia lo ser anuncia diabierna 11or di mainta, y cu canal di television lo por transmiti esey en bibe. Pa Yoon por ser kita for di oficina, e impeachment mester tin apoyo di minimo seis di e ocho huesnan di



e corte. Si e corte ta contra Yoon, Corea di Sur mester tene un eleccion den dos luna pa un presidente nobo. Si e corte anula su impeachment, Yoon lo bolbe na su funcion como presidente.

Jo Seung-lae, vocero di partido Democratico (opositor liberal) cu a lidera e impeachment di Yoon, a pidi e corte “demostra su determinacion firme” pa sostene e orden constitucional por medio di impeach Yoon. Kwon Youngse, lider di partido di Yoon, People Power Party, a pidi huesnan pa “tuma na cuenta interes nacional” y yega na un decision cu ta

“strictamente neutral y bus-to.”

Hopi a predici cu e corte lo dicidi den maart a base di e tempo cu el a tuma pa sentencianan den casonan anterior di impeachment. Pero e corte no a duna motibo oficial pa e retraso den e caso di Yoon, cual a causa hopi speculation riba su destino politico.

E punto principal di e caso ta e accion di Yoon pa manda centenares di soldad y oficialnan di polis na e Asamblea Nacional despues cu el a impone ley marcial dia 3 di december 2024. Yoon a insisti cu su meta tabata pa mantene

orden, pero algun oficial militar y di seguridad a testifica cu Yoon a manda nan pa saca parlamentarionan for di e sala pa stop un votacion y detene oponentenan politico.

Yoon ta argumenta cu e no tabatin intencion pa mantene e ley marcial largo, y cu e solamente kier a pone enfasis riba loke el a yama “maldad” di e partido Democratico, cu a blokea su plan, a impeach oficialnan importante y a corta su presupuesto. Durante su declaracion di ley marcial, Yoon a yama e asamblea “un cueba di criminal” y “forsan an anti-nacional.”

Segun ley, un presidente por declara ley marcial den tempo di guerra of otro situacion di emergencia, pero e partido Democratico y su siguidonan ta bisa cu Corea di Sur no tabata den un situacion asina.

E mocion di impeachment ta acusa Yoon di sobrepasa e actividadnan di e Asamblea, purba detene politiconan y otro hende, y pone paz na riesgo, den violacion di e constitucion y otro leyman. Yoon mes a bisa cu e no tabatin intencion pa para e operacionnan di e Asamblea of detene hende.

E ley marcial a dura seis ora

so, pasobra e parlamentario a logra drenta e edificio di Asamblea y a vota unanimamente pa anula e mandato. No tabatin violencia, pero imagennan di soldanan arma yegando na e Asamblea a trece recuerdonan doloroso di e epocanan di dictadura militar na Corea di Sur. Tabata e prome biaha desde 1980 cu e pais a ser poni bou ley marcial.

Encuestanan anterior a muestra cu mayoria ciudadanonan di Corea di Sur tabata apoyando e impeachment di Yoon. Pero despues cu el a ser impeached, manifestacionnan pro-Yoon a crece hopi, cu hopi conservador cansa di loke nan ta yama un ofensiva exagera di e partido Democratico contra un administracion cu ya tabata den lucha.

Fuera di e sentencia di e Corte Constitucional, Yoon tambe a ser deteni y acusa den januari pa rebelion criminal. Yoon a ser libera dia 8 di maart despues cu un corte di distrito na Seoul a anula su detencion y a permiti pa e enfrente huicio sin ta deteni.

Dies oficial militar y di polis tambe a ser deteni y acusa pa nan rol den e imposicion di ley marcial.

## Inglaterra y Mauritius ta cerca di cera un acuerdo riba e islanan Chagos despues cu Merca a duna su consentimiento

**(AP)—Inglaterra y Mauritius ta finalizando un acuerdo pa traspasa soberania riba e islanan Chagos, un territorio disputa di Inglaterra caminda tin un base militar grandi di Merca, segun gobierno Britanico a bisa ayera.**

E gobierno a laga sa cu e administracion di presidente Donald Trump, cu a ser consulta tocante e acuerdo, a duna su aprobacion y no tin mas accion necesario di Merca su banda. “Nos ta traha hunto cu gobierno di Mauritius pa finalisa y firma e acuerdo,” segun vocero di prome minister Ingles Keir Starmer, Tom Wells. “Un bez firma esaki lo ser presenta na ambos camaranan di Parlamento pa revision y ratificacion.”

Inglaterra y Mauritius tabata envolvi den un negociacion pa entrega e archipelago den

e Ocean Indico, caminda e isla principal, Diego Garcia, ta sede di un base naval y di bombardeonnan strategico. Inglaterra lo verhuur e base back pa un periodo minimo di 99 aña.

Pero e acuerdo a haya critica di e partido Conservador di oposicion y di algun aliado di Trump. Aña pasa, e Secretario di Estado actual Marco Rubio a bisa cu e acuerdo ta representa “un menasa serio” pa seguridad nacional di Merca.

Durante un bishita di Starmer na Washington den februari, Trump a indica cu e ta sostene e acuerdo, bisando: “Mi tin un sentimiento cu e lo sali hopi bon.”

Inglaterra a separa e islanan for di Mauritius, un ex-colonia Britanico, na 1965, tres aña prome cu Mauritius a haya independencia, y a yama e

archipelago Chagos “Territorio Britanico den Ocean Indico.” Durante añanan 1960 y 1970, Inglaterra a expulsa te cu 2.000 hende for di e islanan pa e forza militar di Merca por construi e base na Diego Garcia.

Mauritius ya tin hopi tempo ta desafiando e reclamo Britanico riba e archipelago, y den e ultimo añanan, e Organizacion di Nacionnan Uni (UN) y su corte principal a pidi Inglaterra debolbe e islanan na Mauritius.

Inglaterra a compromete pa haci esey den un acuerdo den october, pero esey a mira retrasa door di un cambio di gobierno den Mauritius y disputa reporta tocante cuanto Inglaterra mester paga pa e verhuur e base na Diego Garcia.

E habitantenan original di



Chagos, hopi di cual a muda pa Inglaterra, ta bisa cu nan no a ser consulta tocante e acuerdo. Bou di e acuerdo preliminar, lo tin un fondo pa reubicacion pa asina yuda e residentenan dosplaca pa bolbe na e islanan, excluyendo Diego Garcia. Pero detayenan di esey ainda no ta cla.

Dos muher di Chagos, Bernadette Dugasse y Bertrice Pompe, dos cuidadon Britanico, ta keda purba hiba e gobierno Britanico na corte riba e cuestion. Nan ta preocupa cu e lo bira mas dificil pa nan bolbe biba na un lugar caminda nan a nace ora Mauritius tuma control di e islanan.



# Corte di Cyprus ta retira tur cargo di violacion despues di duda credibilidad di supuesto victima

**(AP) - Un corte di Cyprus a anula tur cargo contra 5 Israeli acusa di violacion den gang di un muhe Britanico den camber di hotel despues di declara cu su testimonio no ta confiabel y yen di “contradiccion fundamental.”**

E anulacion aki ta nifica cu tur e acusadonan, ken tabatin entre 19 pa 20 aña di edad durante e supuesto violacion no por ser hiba huicio atrobe pa e mesun cargo cu ta inclui violacion y secuestro.

Segun agencia di noticia di e pais, a cita un anuncio di corte criminal unda e corte a haya durante procedura



tras porta cera cu mayoria di e contradiccionnan den e muhe su testimonio ta concerni e identificacion di e actornan di e crimen.

Corte a bisa cu e muhe su

declaracion inicial na e investigadornan despues di e supuesto violacion a presenta un cantidad di “debilidad,” bao cual e circunstancianan no tabata “fuera di lo ordi-



nario.” Sinembargo e investigador-  
nan su duda tocante e muhe  
su credibilidad a crece ora  
cu el a duna splicacionnan  
“completamente incompre-  
sible y inconsistente” tocante  
e contradiccioannan den su  
testimonio, especificamente  
tocante e identidad di e actor-  
nan cual tambe a inclui pa  
sospechosonan den un rij pa  
identificacion.

E anuncio - di cual The Associated Press a mira cierto segmento - tambe a nota contradiccion den e muhe su declaracionnan na polis tocante ken y con hopi di e 5 acusado a comete e violacion. Segun corte, e muhe inicialmente a acusa 3 homber di violacion mientras den un declaracion despues el a acusa 5, 2 di nan ken no tabata den e sala ora cu e violacion a sucede.

Corte tambe a referi na e testimonio di e testigo cual ta desmenti e muhe su declaracion cu el a grita pa ayudo y cu un hende a habri e porta di e camber di hotel pa laga otronan drenta.

Corte a bisa cu e muhe - ken tabatin 20 aña ora e crimen a sucede - tabata bao influencia “significante” di alcohol y MDA cu MDMA, popularmente conoci como “Sally” y “Molly.” Pero a haya cu e cantidad den su sistema no ta suficiente pa “kita su habilidad di por duna consentimiento” pa motibo cu el a testigua cu e tabata sinti un poco marea despues di a consumi e droga y alcohol.

Tur 5 homber a declara nan  
mes inocente na e acusa-  
cionnan.

Resultado Sorteo  
April 01

Cadena Alexander Lottery ta presenta resultado di weganan di suerte

DIARIO	KORSOU	SUPER4	FLAMINGO
9609	7013	5151	2179
0764	7770	SUPER5	8289
6608	6495	-	3465

MERDIA

ANOCHI

 Sorteo # 4581 8470 1016 5939  X2  Sorteo # 4581 1168  X2  Sorteo # 2637 5780  Sorteo # 4581 6527 Acuario  Sorteo # 1455 763  X2	 Sorteo # 8511 5496 2463 1555  X2  Sorteo # 7555 1944  FP  Sorteo # 2260 8808  Sorteo # 6314 2543 Aries  Sorteo # 1244 842  X2	<table><tr><td></td><td>Joker Letter</td></tr><tr><td>Sorteo #</td><td>Proximo Jackpot</td></tr><tr><td>0 x Jackpot</td><td>240.000,-</td></tr><tr><td>0 x Match 4+</td><td></td></tr><tr><td>0 x Match 4</td><td></td></tr><tr><td>0 x Afl. 12,00</td><td></td></tr></table> <table><tr><td></td><td>06-09-16-19-22</td></tr><tr><td>Sorteo # 6787</td><td>Proximo Jackpot</td></tr><tr><td>0 x Jackpot</td><td>58.000,-</td></tr><tr><td>11 x Match 4</td><td></td></tr><tr><td>191 x Afl 8,00</td><td></td></tr></table> <table><tr><td></td><td>05-13-14-19</td></tr><tr><td>Sorteo # 1754</td><td>Mega Ball 15</td></tr><tr><td>0 x Jackpot</td><td>Proximo Jackpot</td></tr><tr><td>0 x match 4</td><td>340.000,-</td></tr><tr><td>3 x Afl. 500,00</td><td></td></tr><tr><td>71 x Afl 50.00</td><td></td></tr><tr><td>74 x Afl.15,00</td><td></td></tr></table> <div>Afl. 500.000,-</div> <table><tr><td></td><td rowspan="5"></td></tr><tr><td>Sorteo #</td></tr><tr><td></td></tr><tr><td></td></tr><tr><td></td></tr></table>		Joker Letter	Sorteo #	Proximo Jackpot	0 x Jackpot	240.000,-	0 x Match 4+		0 x Match 4		0 x Afl. 12,00			06-09-16-19-22	Sorteo # 6787	Proximo Jackpot	0 x Jackpot	58.000,-	11 x Match 4		191 x Afl 8,00			05-13-14-19	Sorteo # 1754	Mega Ball 15	0 x Jackpot	Proximo Jackpot	0 x match 4	340.000,-	3 x Afl. 500,00		71 x Afl 50.00		74 x Afl.15,00				Sorteo #			
	Joker Letter																																											
Sorteo #	Proximo Jackpot																																											
0 x Jackpot	240.000,-																																											
0 x Match 4+																																												
0 x Match 4																																												
0 x Afl. 12,00																																												
	06-09-16-19-22																																											
Sorteo # 6787	Proximo Jackpot																																											
0 x Jackpot	58.000,-																																											
11 x Match 4																																												
191 x Afl 8,00																																												
	05-13-14-19																																											
Sorteo # 1754	Mega Ball 15																																											
0 x Jackpot	Proximo Jackpot																																											
0 x match 4	340.000,-																																											
3 x Afl. 500,00																																												
71 x Afl 50.00																																												
74 x Afl.15,00																																												
Sorteo #																																												



# COLEGIO ARUBANO

B  
5

I  
30

N  
35

G  
50

O  
62

# BINGO

## DIASABRA 5 DI APRIL

**Premio mayor**  
**AWG 2000.00**

V  
 V

**PRIIS PA CARCHI**  
**AWG 10.-**

POR CUMpra E CARCHI NA:

SHIRIBANA BINGO CENTER (OVERKANT DI EX-SUBWAY PARADERA)

SABANA BASORA BINGO ENTER (NA MANTON LOTTERY)

QUEEN EURO BINGO CENTER (NA BUBALI PARKEER LOT DI EURO CERAMICA)

AMISTAD RESTAURANT ST. CRUZ

SHAHAI ICECREAM PARLOR ST. CRUZ

GALLO ROJO SAN NICHOLAAS

MAUCHI SMOOTHIES SAVANETA

**TRANSMITI A TRAVES DI:**











### Cas Di Cultura

Vondellaan 2 Aruba  
297-582-1010

### F A D A

Campanastraat 5 Aruba  
297-583-2999  
297-583-9610

### F A V I

Primavera 233 Aruba  
297-582-5051  
297-582-5222

### F E P O

Engelandstraat 15 Aruba  
297-583-1016  
297-583-6607

**Fundacion Contra  
Violencia Relacional**  
Tel: 583-5400

### Fundacion Autismo Aruba

Irenestraat 21 Aruba  
297-588-1179

### Fundacion Pa Nos Muchanan

Cumana 2 Aruba  
297-583-4247

### Fundacion Tel Pa Hubentud

Wilhelminastraat 19  
Aruba  
297-588-6138

### Koningin Wilhelmina Fonds

Spinozastraat 9 Aruba  
297-582-0412

**Mary Joan Foundation**  
Sabana Blanco 8 Aruba  
297-588-9999

### Rode Kruis Aruba

Pedro Gallegostraat 14  
Tel: 297-582-2219  
Fax 588-3376

### Famia Planea (SBVO)

Avenida Milio J Croes 17  
B Aruba  
297-588-9591  
www.famiaplanea.org  
famiaplanea@hotmail.com

### Stichting Fundacion Guia Mi

George Madurostraat 34  
297-582-0088

### Y M C A

Calbasstraat 1 Aruba  
297-582-3072

### AL-ANON group

Sabana Liber #8, Noord  
(close to the hotels)  
Tel: 736-2952 or  
593-7081



### Dokter na warda

**Oranjestad San Nicolas**  
**Hospital Imsan**  
7:00 pm / 10:00 pm 24 ora

### Botica na warda

**Oranjestad: San Nicolas:**  
Central : Seroe Preto:  
Tel. 585 1965 Tel. 584 4833

**EMERGENCIA 911**

### POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

### BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
Santa Anna	586-8181
Santa Cruz	585-8028
Sero Preto	584-4833
Trupial	583-8560

### UTILIDAD

Setar	117
Web	525-4600
Elmar	523-7147

### FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

## Servicio di Taxi

**Aruba Transfer Tour &  
Taxi C.A.**  
Tel: 582 2116/582 2010

**Taxi Adres Services (24h)**  
Tel. 587 5900

**A1 Taxi Services Aruba**  
Tel: 587-8850  
Tel: 280-2828  
Whatsapp: 592-7024

# A topa cara-a-cara cu homber scondi bao cama di mucha cu a keha di 'monster bao cama'



**(AP) - Un niñera a wak  
bao cama pa calma un  
mucha preocupa cu tin  
monster scondi bao di  
su cama - y a topa cara-  
a-cara cu un homber cu  
tabata scondi ey, polis di  
Kansas a bisa den comu-  
nicado di prensa.**

E hoben di 27 aña a keda de-  
teni y hiba prison e siman  
aki despues di un pleito cu  
e niñera cu a benta e mucha  
vloer.

Barton County Sheriff's Of-  
fice a bisa cu a yama agen-  
tenan dialuna anochi pa bay  
e cas cerca di Great Bend, un  
ciudad di 15,000 habitante na  
parti west di e estado. E so-  
spechoso a bay caba pa ora  
nan a yega pero e niñera a  
bisa nan cu e mucha tabata  
kehando di un "monster"  
prome cu el a haya e sos-  
pechoso.

E homber tabata biba den e  
cas antes, pero tin un ordo  
di proteccion contra abuso  
na vigor contra e homber pa  
keda leu di e propiedad se-  
gun polis a informa. Agen-  
tenan a busca pero no por a  
haya e homber te e siguiente  
dia, ora cu a captura su per-

sona despues di un persecu-  
cion na pia.

Record di corte online ta ilus-  
tra cu e homber ea paga un  
fiansa 10 dia prome despues  
cu a acusa su persona di me-  
nasa criminal, agresion do-  
mestico y violacion di e ordo  
di proteccion di abuso. E  
acusacionnan aki a tuma lug

den januari y februari.

Sinembargo despues di su  
detencion recien, hues a or-  
dena pa e keda deteni sin  
fiansa. Polis a bisa cu acusa-  
cionnan adicional ta inclui  
robo grave, agresion grave y  
pone bida di un mucha den  
peligro.

## Pronostico di tempo

### Tempo:

Awe tardi y awe nochi:  
parcialmente nubia y  
generalmente seco  
Den marduga y mañan:  
parcialmente nubia sin  
awasero di importancia

Temperatura maximo 32  
grado Celsius

Temperatura minimo 26  
grado Celsius

Indice di calor (heat index)  
den y rond di oranan di  
merdia: 33 pa 38 grado  
Celsius

Uv index: 12

Bahada di solo : 6:51pm

Subida di solo : 6:36am

### Biento:

Moder for di direcccionnan  
entre oost y noordoost; forsa  
3 te 4 (12 te 30km/ora, 7 te  
16 nudo).

Durante di dia basta fuerte  
te posiblemente fuerte den  
rafaga; forsa 5 te 6 ( 31 te  
50km/ora, 17 te 27 nudo)

### Situacion general di tempo:

No ta spera cambionan den e  
tipo di weer cu tin pa proximo



24 ora. E partinan mas abou  
di atmosfera ta relativamente  
seco, strobando desaroyo  
di nubianan cu por produci  
awasero. Pa e motibo aki  
weer lo keda generalmente  
seco.

Sinembargo, un aumento di  
humedad durante proximo  
dianan lo bay haci e chens  
pa yobida bira un poco mas  
grandi.

### Condicionnan maritimo/ estado di lama:

Na partinan protegi di costa:  
keto, rond di 1 pia.

Na partinan zuid: trankil,  
entre 1 pa 2 pia.

Na partinan oost te  
noordwest di costa: modera  
cu olanan di 2 pa 4 pia.

Like us on  
Facebook



facebook.com/bondianoticia



# Aurora

## Royal Pray

Funeral Home & Crematory

Mi no a muri.  
Ta pesey mi no a bisa ayo.  
Mi a djies habri mi  
halanan y bula bai keiro.  
Boso a keda atras.  
No laga tristesa domina  
boso.  
Keda uni un cu otro pa mi  
alma,  
esey lo ta un alegria.  
Recorda mi cu hopi amor.



### Balvina Laclé Sanabria

Sunrise: 03/18/1943

Sunset: 03/28/2025

Esposo: † Fabio Alejandro Laclé

Yiunan: Fabiola Dixon-Laclé y Gregg Dixon  
Alvin Laclé y Johrainne Laclé-Giron

Nieta(o)nan: Alexandra Dixon, Gabriella Dixon,  
†Emmanuel Dixon, Jobriël Laclé y Nivlainne Laclé

Su subrina stima na Aruba:  
Patricia y Juan Jansen

Tur su rumannan, swa y cuñanan, primo, primanan,  
subrino, subrinanan, ihanan y demás famia na  
Colombia, Aruba y tur otro parti di mundo.

Amistadnan y bisinanan.

Ta invita tur famia y amigonan pa **acto di  
condolencia y entierro** ariba diasabra 5 di April  
2025 di 9.00 am pa 11.00 am na Misa Santa  
Filomena na Paradera.

Sigui pa un respons y despues lo sali pa santana na  
Sabana Basora.

Danki na Wilhelmina Kanker Fonds pa nan  
support. Lo tin un box disponibel pa donacion pa  
Wilhelmina Kankerfonds.

Nos ta pidi disculpa si nos por a lubida un of otro  
persona of famia den nos momento di tristesa.

Nos disculpa cu nos no por ricibi bishita di  
condolencia despues di entierro na cas.

# Aurora

## Royal Pray

Funeral Home & Crematory

“Señor ta mi wardador, mi’n tin  
falta di nada  
Den cunucu di yerba berde e ta  
ponemi sosega.  
E ta hibami na awa trankil,  
Pa mi bolbe haña forsa”.  
Salmo: 23

Nos ta anuncia fayecimento di:

### Maria Krozendijk

\*13-12-1926 - †27-03-2025

Acto di entierro lo wordo anuncia despues.



# Aurora

## Royal Pray

Funeral Home & Crematory

Señor ta mi wardador, mi’n tin falta di nada. Den  
cunucu di yerba berde e ta pone mi sosega.  
E ta hibami na awa trankil. Pa mi bolbe haña forsa.  
Salmo 23

Cu duele na nos curason, pero agradecido pa e bida  
largo cu Señor a dune, nos ta participa fayecimento  
di nos mama, nos machi stima:



### Sra. Vuida Bernardina Croes-Kelly

Mihor conoci como Tina, Machi Tina, Tan Tina,  
Dina

Na e bunita edad di 95 aña

Na number di su yiunan:

Dominico “Ovi” Croes y Adelaida Erasmus y famia  
Rudolfo “Ronny” Croes  
Lufrido “Frido” Croes y Lidia Croes-Leest  
†Rolando Croes

Su nieto- y nietanan stima:

Ryan Croes y Cindia Peña  
Dr. Kenneth Croes  
Lydianne y Audrey Croes-Kan  
Tamalis Croes  
Lucas Croes  
Ethan Croes

Su 3 bisanieto/bisanieta hopi stima:

Zxennon Croes  
Taniyah Croes  
Anthwang Croes

Tur su rumannan defunto den feliz memoria y nan  
distinguido famia

Tur subrino- y subrinanan y su ihanan

Un danki special na su ayudante cu a cuide cu hopi  
amor y cariño Laurie Wever-Rodriquez y su esposo  
Gilbert Wever, Charity Kock cu a dune hopi cuido  
cu hopi amor y cariño, zusternan di Wit Gele Kruis  
y su doctor di cas Dr. Fernandes

Su amiganan di cas manera famia:

Juanita y Rubira Roys  
Elimina “Negra” Atencio-Romero, Lucia Marquez-  
Werleman y Swinda Sevinger

Famianan: Croes, Kelly, Boekhoudt, Leest, de  
Mey, Feliciano, Erasmus, Peña, Kan, Kock, Roys  
demas famia

Ta invita tur amistadnan, bisinanan, conocinan pa  
asisti na e **acto di despedida y entierro** cu lo tuma  
lugar:  
Diabierna 4 april 2025  
Na Aurora Funeral Home  
Ora 2:00-4:00 pm

Despues di respons ta sali pa Santana Catolico na  
Paradera

Nos machi stimá: Danki pa tur cos cu machi a haci  
y significa pa nos. Awor ta momento pa sosegá  
dushi den braza di Señor

Nos kier a pidi disculpa si nos por a lubida un of  
otro familia den nos tristeza.

# Aurora

## Royal Pray

Funeral Home & Crematory

“Señor ta mi wardador, mi’n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa”.  
Salmo: 23

Nos ta anuncia fayecimento di:



### Jacobo Feliz Winklaar

Mihor conoci como: “Coco” of “Papito”  
\*23-08-1934 - †29-03-2025

Mayornan:

†Juan Canicio y †Monica Winklaar-Kock

Esposa: Anna Winklaar-v/d Biezen

Yiunan:

Greta Winklaar y famia  
Victor y esposa Edalinda Winklaar  
Vera Winklaar y famia  
Grena Winklaar y esposo Leonardo Gamez

Nieto(a)nan: Evelyn Kock y famia, Derwin Kock,  
Merelyn Kock y famia, Veralis Cabrera y famia, Minguel  
Cabrera y famia, Daniela Cabrera y famia, Susan Adriana  
Cabrera y famia, Samuel Winklaar, Vickmar Winklaar y  
famia, Ismar Winklaar y famia, Michelline Yarzagaray y  
famia, Michel Yarzagaray y famia

Rumannan:

†Paulina y †Freddy Chayadi  
†Frederick Celestines y †Aura Winklaar  
†Andres Winklaar  
†Pricila Winklaar y famia  
†Donicio Winklaar  
†Rufo y Synthia Winklaar-Green  
Pedro Winklaar y famia  
Juanita Winklaar y famia  
†Teresita Winklaar y famia  
†Florencio Winklaar y famia

Cuñanan:

Maxima v/d Biezen y famia  
Adela Dijkhoff-v/d Biezen y famia  
Jossy y Angela v/d Biezen  
Juan y Mena v/d Biezen  
†Rafael y †Ninita v/d Biezen  
†Simon y Sarita v/d Biezen  
†Presentashon y Tony Kelly  
†Jacintha v/d Biezen y famia

Swanan:

†Gabriel v/d Biezen y su yiu Canicio v/d Biezen  
†Serapio v/d Biezen y famia

Iha: Jacqueline (Jacqui) Winklaar, Giellermo (Gie)  
Valentien

Demas famia: Winklaar, v/d Biezen, Kock, Donata,  
Werleman, Gamez, Dijkhoff, Kelly, Goeloe, Nectar, Green,  
Need, Yarzagaray, Cabrera, Hoeksma, Valentien, Angela,  
Frans, Leon, Ramirez, Gonzalez, Koc, Angela, Martinez,  
Quandus, Goons, Trenidad, Ortiz, Gomez, Chayadi,  
Lugo, Croes, Bloeciman, Adriana, Cecilia, Van Stralen

Nos disculpa si den nos tristeza por a lubida algun famia,  
amigo of conocir.

Ta invita demas famia, amigo- y conocirnan, ex-  
trahadornan di LAGO, Watty Construction y Aruba  
Painting pa asisti na acto di entierro cu lo tuma lugar  
diabierna 4 di April 2025 na misa Santa Filomena di  
2:00 pa 4:00 pm y despues lo sali pa Santana Pastoor  
Kraanwinkel na Paradera



# Aurora

## Royal Pray

Funeral Home & Crematory



**Mevrouw Jantje Huberta  
Kennedy – de Snaijer**  
Weduwe van Dr. B. Kennedy

**Geboren op 7 Augustus 1926, Amsterdam –  
Overleden op 30 Maart 2025, Aruba**

Zij was een geliefde moeder, grootmoeder, en  
dierbare voor velen.

In alle rust is zij van ons heengegaan.

**Kinderen:**

Dr.Kees en Felicia Kennedy - Maer  
Heleen en Matt Zagoren - Kennedy  
Dr. John Kennedy en Jana Ridley

**Kleinkinderen:**

Kiara, Quirine, en Ian Kennedy  
Daniel, Eliana, en Adam Zagoren  
Michael Kennedy

**Overige Familieleden:**

De Snaijer, Kennedy, Maer, Zagoren, Van de Kaaij.

Vrienden en kennissen.

Onze bijzondere dank gaat uit naar de  
behandelende artsen en het medisch team voor  
hun zorg en toewijding: Dr. Samuels, Dr. Marcel  
Ho Kang You, Dr Badloe, Dr. Nienke  
Smit, Dr. Mungra, Dr. Lampe, Dr. Howard van  
Niel, Dr. Nyamae, Dr. Claudia Samy , Dr.  
Hugo v. Trigt, VK. Yourraine Halabi en Mevrouw  
Maribel Ortega, Lorena Barrios,  
Carolina Rodriguez, Sonia Quiroga.

**Gelegenheid tot het nemen van afscheid en  
condoleren,** vindt plaats op **DONDERDAG**  
3 APRIL 2025, van 1:00pm – 4:00pm,  
ROYAL FUNERAL HOME.

# Aurora

## Royal Pray

Funeral Home & Crematory

*“Señor ta mi wardador, mi’n tin  
falta di nada.  
Den cunucu di yerba berde e ta  
ponemi sosega.  
E ta hibami na awa trankil,  
pa mi bolbe haña forsa”.*  
**Salmo: 23**

Ta participa fayecimento di:

**André Arnoud Herts**  
\*30-01-1946 - †30-03-2025

Acto di entiero lo wordo anuncia despues.



# Aurora

## Royal Pray

Funeral Home & Crematory

*Canta contento pa SEÑOR, henter mundo;  
Sirbi SEÑOR cu alegría,  
acerc’E cu canticanan di fiesta.  
Salmo 100.1,2*

Cu dolor na nos curason nos ta anuncia fayecimento di  
nos yiu, ruman, tata, esposo y amigo:



**Marcolino Croes**  
\*18 April 1974 - †22 maart 2025

Na number di:

**Mayornan:** † Marcolino Croes y Jean Evelyn Lacle

**Rumannan**

Saskia Croes y yiu Jenna  
Gino & Celina Croes-Tromp y yunan Joceline y famia,  
Alina y Jean-Luc  
Alejandra Croes y famia Acosta

**Esposa:** Yudelca Lara y famia

**Yiunan:**

Diego y famia Reppas  
Darren & Dymon y famia Lejuez  
Dayrienne y famia Vrolijk  
Daliany y famia Torne

**Omo y Tanta**

Anthony & Yvonne Lacle y famia Dirksz  
Roy Croes y famia Peterson  
Clyde Croes y famia Croes  
Madeline de Haseth-Roos y famia  
Lia Lopez y famia  
† Gloria Croes y famia  
† Tico Croes y famia Williams  
† Henry Lacle y famia Rasmijn

**Primo y prima**

Keidrich Lacle y famia, Nerissa Lacle y famia, Josephine  
Lacle y famia, Armand Lacle y famia, Rowin Croes y  
famia, Troy Croes y famia, Ryan Croes y famia, Varelie  
Croes y famia, Kris Croes y famia, Vicky Croes y famia,  
Gilbert Croes y famia, Darlene Buunen-Croes y famia,  
Ann-Jillian de Haseth y famia, Eldween Coutinho y  
famia

Omo y Tantanan grandi

**Famianan** Croes, Lacle, Bremer, Donata, Jacquin,  
de Cuba, Wong, Tromp, Henriquez, Thijssen, Roos,  
Langedijk, Oduber, Wever, Dirksz, Peterson, Williams,  
Rosel, Leo

**Bisiña stima** Teresa Trudeau

**Ademas famianan stima**

Wernet, Saade, Lejuez, Oduber, Heronimo, Willer, Van  
Zetten, Kok, Kock, Winklaar, Wesenhagen, Muntinga,  
Croes, Schenker, Burgers, Van Druten, Senior, Quast,  
Lesire, Tromp, De Vries, Boom, Borgers, Bikker, Damen,  
Benschop, Roos, Pappers, Arends, Leo, Lopez, Figaroa,  
Nieuwkerk, Bouwer, Rosel, Schlichting, Rikken, Fingal,  
Tjon Ajong, Werleman, Ras, Kruisselbrink, Janssen,  
Dubero

Nos ta pidi disculpa si den nos tristeza nos por a lubida  
un of otro famia.

Restonan mortal lo ta reposa den Misa Immaculada  
Concepcion Sta. Cruz diaranson 2 di April 2025 for di 9  
AM pa 11 AM. Despues lo sali pa Santana Santa Maria.

Nos ta lamenta cu despues di entiero nos no ta ricibi  
bishita na cas.

# Aurora

## Royal Pray

Funeral Home & Crematory

*"Dios ta amor... y amor ta Dios, maske mi no ta na e  
mundo aki, tur dia lo mi ta banda di boso Curazon,  
mi por stens di loke Señor ta hasi"*  
**Salmo 33**

Cu inmenso dolor na nos curason, pero conforme  
cu boluntad di Dios, nos ta anuncia morto inespera  
di nos tata, welo, ruman, omo y amigo stima:



**William Israel Richardson**  
mihor conoci como "Touchin"  
\*23 Mei 1948 - † 30 Maart 2025

**Na number di su yiunan cu el a stima:**

Marc & Geraldine Richardson  
William Alexander Richardson

**Manera yiu:**

Jo-Anne Jacopucci & Juan David Panneflek

**Mama di su yiunan:** †Yolanda Jacopucci

**Nieto cu ela stima:** Mc-Shaq Richardson

**Manera nieta/o:** Ilaijah, Andreina, Thalia,  
Tashainna, Danison, Derickson

**Rumanan:**

† Roy Richardson  
Nelson Richardson  
† Clothilda Richardson  
Alberto (Buchito) Richardson  
Paulino (Plons) Richardson  
† Lilian Richardson  
Edmundo (Mundo) Marlin  
† Mc Kenley (Mikito) Richardson

Sobrinonan: Astrid Richardson, Marisol Perez,  
Cynara Ruiz, Melissa van Empel, Joshua Glasser,  
Vanessa Glasser, Kimberly Canlar, † Bryon  
Richardson, Kyle Richardson, Minerva Marlin,  
Lianne Marlin, Shurman Marlin, Traemaine Marlin  
y Junaily Richardson

**Amigoruman:** Carlos Dania

**Su amiga stima:** Maira Cabrera y famia

**Su bon amigonan serca:** Bubu Arends, Adri de  
Palm, Winzo Nobrega, Andre Loonstra, Bracho  
Eman, Ven Eman, Godlieb Eman, Tatay Nel  
Orman, Dito de Haseth, Esme Werleman, Indio  
Kelkboom, Robby Feliciano

**Demas famia:** Richardson, Maduro, Philips,  
Busby, Jacopucci, Perez, Ruiz, van Empel, Glasser,  
Canlar, Jones, Marlin, Abraham y demas famia ta  
invita tur amigo y conocirnan na **acto di entiero**  
cu lo tuma lugar diasabra 05 April, 2025 di 11:30am  
pa 1:30pm na Catedral – San Francisco y despues pa  
Santana na Sabana Basora

Nos disculpa si den nos tristesa nos por a lubida  
cualquier famia.

Nos ta lamenta cu despues di entiero nos no ta  
ricibi bishita na cas.



# Trump ta nombra 2 di april como ‘Dia di Liberacion’ pa su tarifanan

**(AP)—Mientras e guerra di comercio inicia pa presidente di Merca, Donald Trump, ta sigui aumenta, tur atencion ta cay riba dia di awe.**

Trump a nombra repetidamente dia 2 april como “Dia di Liberacion,” primintiendo pa introduci un serie di tarifa, of impuesto riba importacion for di otro paisnan, cu segun e lo libera Merca di dependencia riba producto stranhero. Pa logra esaki, Trump a bisa cu e lo impone tarifanan “reciproco” pa iguala e impuesto cu otro paisnan ta carga riba producto Mericano.

Pero hopi cos ainda no ta cla tocante con e tarifanan lo ser implementa. Secretaria di prensa di e Cas Blanco, Karoline Leavitt, a bisa dialuna cu Trump lo revela su plan pa impone tarifanan reciproco riba casi tur socio di comercio Mericano awe, pero el a keda sin duna mas detaye riba esaki, lagando e anuncio final na Trump mes.

For di e momento cu el a tuma poder back algun luna pasa, Trump a mostra agresividad cu menasa di tarifa, creando un sensacion di instabilidad cu su accionnan di comercio cu ta keda cambia. Ta posibel tambe cu lo mira mas atraso of confusion e siman aki. Trump ta argumenta cu tarifanan ta proteha e industria Mericano di competencia stranhero inhusto, ta trece placa pa gobierno federal y ta duna Merca mas poder pa exigi concesion for di otro paisnan. Pero economistanan ta bisa cu tarifanan grandi cu e porcentahe sugeri pa Trump por bira contra-productivo. E tarifanan lo aumenta prishnan pa consumidornan – y negoshinan mundialmente tambe por perde hopi si nan gasto subi y nan benta baha.

Impuesto riba importacion cu ta den vigor caba, combina cu incertidumbre tocante accionnan di comercio den futuro y posibel represalianan, ta causa instabilidad den mercadonan financiero y ta reduci confiansa di consumidor, mientras hopi ta keda cu duda cu esaki por atrasa empleo y inversion.

Loke por anticipa pa Dia di Liberacion:

## Kico lo pasa awe, 2 di april?

E detayenan di e plan di Trump ainda no ta cla. Tarifanan reciproco por tuma forma di impuesto pa cada producto separa, of un porcentahe promedio riba tur producto di un pais – of talvez algo totalmente diferente. E tarifanan por refleha e impuesto di otro paisnan, como tambe nan impuesto di balor agrega y subsidionan pa nan companianan local.

Asesor di comercio di e Cas Blanco, Peter Navarro, a conta “Fox News Sunday” cu e tarifanan por trece 600 biyon dollar anualmente, cual ta implica un tarifa promedio di 20%.

Trump a menciona number di paisnan manera esnan den Union Europeo (EU), Corea di Sur, Brasil y India, entre otro, cu lo enfrente e tarifanan aki. Dialuna, Leavitt a bisa cu Trump a ricibi diferente propuesta for di su asesor, pero cu el a laga cla cu e no ta contempla ningun excepcion pa ningun pais.

E impuesto riba importacion cu tabata atrasa anteriormente por drenta vigor hopi lihe. E retraso di un luna cu Trump a duna riba cierto producto for di Canada y Mexico, por ehempel, ta vence na comienso di april. Na comiendo di e

luna aki, Trump a publica riba su plataforma di red social, Truth Social, cu e extension pa importacion for di Mexico cual ta bao di e U.S.-Mexico-Canada Agreement lo dura te 2 dia april. Pero no a duna un confirmacion tocante e fecha specifico ainda.

## Cual tarifa di Trump lo drenta na vigor?

Trump a bisa cu e lo impone un tarifa di 25% riba tur importacion for di cualkier pais cu ta cumpra azeta of gas for di Venezuela – incluyendo Merca mes – cuminsando awe, ademas di impone tarifanan nobo riba e pais Sudamericano aki.

E tarifanan di 25% riba importacion di auto lo cuminsa ser colecta mañan, cu impuesto riba autonan completamente importa tumando efecto marduga. E tarifanan lo ser expandi pa piesanan di auto den e siguiente simannan, te dia 3 di mei.

E Cas Blanco ta spera di spaar \$100 biyon anualmente for di e tarifanan nobo aki, pero economistanan ta bisa cu esaki lo por destrui e cadena di suministro global den e industria di auto y lo trece mas gasto pa consumidornan.

## Cual tarifa ta den vigor caba?

Desde dia 4 di februari, Trump a impone un tarifa di 10% riba importacionnan di China, un impuesto cu el a dobel pa 20% desde 4 di maart. Y China a reacciona cu tarifanan reciproco, incluyendo un tarifa di 15% riba carbon y gas natural likido for di Merca, y un tarifa di 10% riba azeta crudo Mericano cu a tuma efecto dia 10 di februari. China tambe a impone tarifanan te cu 15% riba producto agricola Mericano importante desde dia 10



di maart.

accionnan di Trump.

E expansion di e tarifanan riba hero y aluminio di Trump tambe a tuma efecto mas trempa den luna. E dos metalnan tin un impuesto di 25% den tur importacion – cu e orden di Trump pa kita excepcion pa hero y aumenta e impuesto riba aluminio for di su impuesto di 2018 a tuma efecto 12 di maart.

Canada y Mexico, e dos socio di comercio principal di Merca, tambe a enfrente tarifanan halto. Na comienso di luna, Trump a implementa un retraso parcial di un luna pa e tarifanan di 25% riba e dos pais – retrasando impuesto pa importacion relaciona cu auto y producto cu ta den e US-Mexico-Canada Agreement di 2020 te comienso di april.

Pero otro importacionnan ta sigui mira un impuesto, incluyendo un mas abou di 10% riba potash y producto di energia Canades. Den un reaccion na e tarifanan aki, Canada a anuncia un serie di contra-medidanan cu ta costa algun biyon dollar Mericano. Mexico, mientras tanto, no a impone ningun impuesto nobo ainda – indicando cu e pais ta purba di mantene e situacion bao control, aunque anteriormente tabata priminti pa tuma represalia contra e

## Mester anticipa mas tarifa den futuro?

Mas tarifanan for di Trump ta posibel, cu e presidente menasando pa impone mas impuesto riba productonan manera koper, palo, medicamento farmaceutico y chipnan di computer.

Hopi pais ya ta preparando nan represalia – of a impone nan tarifanan caba, manera Canada. Trump a bisa cu e no ta bay negocia e tarifanan di awe te despues cu nan ta den vigor, pero el a laga cla cu su tarifanan di 25% riba auto lo keda permanente.

Den un reaccion na e tarifanan di hero y aluminio di Trump, EU a anuncia tarifanan reciproco riba producto Mericano cu ta bale mas o menos 26 biyon euro -- incluyendo hero, aluminio, carni di baca, galiña, bourbon, motor, peanut butter y jeans. E bloc di 27 pais tabata planea pa implementa e tarifanan aki den dos fase, awe y dia 13 di april, pero despues a bisa cu lo atrasa esaki te mey april sin duna un fecha specifico.

Por mira mas anuncio di represalia e siman aki, specialmente si Trump duna mas detaye riba e tarifanan reciproco grandi di awe.





## Alemania ta mira esfuerso pa un tregua na Ucrania blokia, mientras China ta bisa cu e dialogonan ta estimulante

(AP) — Minister di Relacionnan Exterior di Alemania a bisa ayera cu e esfuersonan di presidente di Merca, Donald Trump, pa logra un tregua den e guerra di tres aña entre Rusia y Ucrania ta blokia. Mientras tanto, su equivalente di China a bisa cu e dialogonan entre Washington y Moscu ta sigui, cual ta señal positivo.

Minister di Relacionnan Exterior Aleman, Annalena Baerbock, a yega na Kyiv pa un bishita inespera y a bisa cu “debi na e situacion blokia” entre Merca y Rusia pa logra un acuerdo di alto-el-fuego, e sosten continuo di aliado Europeo na Ucrania ta “absolutamente crucial.”

Diadomingo, Trump a critica e presidente Ruso Vladimir Putin y presidente Ucrainiano Volodymyr Zelenskyy, expresando su frustracion tocante e guerra cu el a priminti di stop rapidamente.

Trump a insisti cu ta mirando un proceso den e negociacionnan, pero a bisa tambe cu e ta considera impone mas sancion pa pone presion riba Moscu. Ademas, el a acusa Zelenskyy di purba kita su man for di un acuerdo cu Merca tocante acceso na e recursonan mineral di Ucrania.

Ucrania a tene un prome ronda di consulta cu Merca tocante loke nan ta yama e version mas reciente di e acuerdo mineral, segun minister



di Relacionnan Exterior di Ucrania, Andrii Sybiha, a bisa ayera.

Putin a rechasa un proposicion di Merca pa un alto-el-fuego inmediato y completo di 30 dia, a pesar di e insistencia di Trump. Ademas, un alto-el-fuego parcial na e Lama Preto, cu por a permiti transport mas sigur, a cay den otro ora e negociadornan di Kremlin a impone condicionnan dificil.

Segun evaluacionnan di e Institute for the Study of War, un think tank na Washington, Rusia ta atrasando e acuerdo tocante e Lama Preto pa “retrasa e esfuersonan pa logra un alto-el-fuego general y saca mas concesion di e West.”

Zelenskyy a expresa su observacion riba e desaroyonan den un adres anochi.

“Moscu ta burlando di e esfuersonan di nos socio pa

move dilanti cu un agenda di paz,” el a bisa.

Anteriormente, Putin a rechasa un suspension temporal di hostilidad, bisando cu esaki lo solamente beneficia Ucrania y su aliado Occidental por medio di fortalece nan arsenal back. El a insisti cu Moscu kier un acuerdo completo cu ta garantiza un solucion duradero.

Trump a insinua cu e ta considerando impone mas sancion riba azeta contra Rusia. Pero, vocero di Kremlin, Dmitry Peskov, a indica ayera cu un avance den e negociacionnan no ta inminente. “E asuntunan cu nos ta discutendo den e proceso di solucion di Ucrania ta hopi complica y e ta exige hopi esfuerso adicional,” Peskov a bisa den un yamada cu periodista.

Mientras tanto, atakenan mortal di tanto Rusia como Ucrania ta sigui, y nan ta preparando pa campananan di



primavera den nan guerra riba e frontera di mas o menos 1.000 kilometer.

Durante oranan di anochi ayera, Rusia no a lansa ningun drone Shahed riba Ucrania pa prome biaha den mas di cinco luna, segun autoridadnan.

Pero Andrii Kovalenko, hefe di e departamento di contradisinformacion di e Consejo di Seguridad di Ucrania, no a detecta ningun cambio den e strategia Ruso. “Pa awor, esaki no ta nifica nada,” el a bisa riba Telegram.

Ministerio di Defensa di Rusia a acusa Ucrania di lansa mas atake di drone riba infraestructura di energia den e region di Belgorod (Rusia) y den algun parti di Zaporizhzhia cu ta bao control di Rusia.

Aliadonan Europeo di Ucrania ta bisa cu nan lo sigui duna sosten pa frena e inva-

sion di Rusia. Putin ta hayando sosten militar di Corea di Nort y Iran.

China tambe a duna sosten diplomatico na Rusia y a yuda e economia Ruso via comercio riba energia y produccion consumible. Minister di Relacionnan Exterior di China, Wang Yi, durante su bishita na Moscu, a bisa ayera cu “algun resultado a ser logra” den e esfuersonan di Washington pa stop e guerra, mesun tempo cu relacionnan Merca-Rusia a mehora abo administracion di Trump.

Den un entrevista cu e agencia estatal Ruso RIA Novosti, Wang a bisa cu Beijing ta sostene e meta di un “acuerdo di paz husto, duradero, y obligatorio cu ta aceptabel pa tur partido envolvi.”

Wang tabata programa pa reuni cu su colega Ruso Sergey Lavrov ayera. Despues, e tabata anticipa pa reuni tambe cu Putin, segun Peskov.

## Autoridadnan Ruso ta move pa relaha designacion di terrorista pa e Taliban

(AP)—E corte supremo di Rusia a bisa dialuna cu el a ricibi un peticion for di e oficina di fiscal general relaha un prohibicion riba e Taliban na Afganistan, ken a ser considera dos decada pasa como un grupo terrorista.

E corte a bisa den un declaracion cu e lo tene un audiencia riba e peticion, entrega pa Fiscal General Igor Krasnov, dia 17 di april. Rusia a adopta aña pasa un ley stipulando cu e designacion oficial di terrorista di un organizacion por ser suspendi pa un corte.

E Taliban a yega na Rusia su lista di organisacionnan ter-

orista na 2003. Cualquier contacto cu gruponan asina ta castigable bao ley Ruso. Na mesun momento, e delegacion Taliban a atende varios forum organisa pa Moscu. Oficialnan Ruso a descarta preguntanan tocante e aparente contradiccion por medio di enfatisa e necesidad pa traha cu e Taliban pa asina yuda stabilisa Afganistan, cual e grupo ta goberna.

E Union Sovietico a bringa un guerra di 10 aña den Afganistan cu a termina den Moscu retirando su trupanan na 1989. Desde e tempo ey, Moscu a haci un regreso diplomatico como un mediador di poder, organisando



discusionnan riba Afganistan envolviendo representanten mayor di e Taliban y nacionnan den bisindario.

Tin un division profundisando den comunidad internacional tocante con pa aborda

e Taliban, ken tin tres aña den poder y no ta enfrenta oposicion. E gobernantenan di Afganistan a persigui relacion bilateral cu podernan grandi den e region. Den e ultimo añanan, e nacionnan Centro Asiatico di Kazakhstan y Kyr-

gyzstan a kita e Taliban for di nan lista di gruponan di terrorista.

Ainda tin sancion di e Organizacion di Nacionnan Uni (UN) riba e Taliban.